

درجده مأذون ابراهیم خلیل و بولائق قضاسی بدایت محکمه سی مدعی عمومی معاونلکینه قونیه مگشب حقوقدن اعلی درجده مأذون محمود نجیب و سیلوان قضاسی بدایت محکمه سی مدعی عمومی معاونلکینه قونیه مکتب حقوقدن اعلی درجده مأذون علی غالب و پاسیدلر قضاسی بدایت محکمه سی مدعی عمومی معاونلکینه سومبکی بدایت محکمه سی رئیس محمد حفظی و محمودی قضاسی بدایت محکمه سی مدعی عمومی معاونلکینه قالموز بدایت محکمه سی رئیس علی نامی و تنوس قضاسی بدایت محکمه سی مستنطقلکینه سلطان یری بدایت محکمه سی مستنطق حسن بحری و مسعودیه قضاسی بدایت محکمه سی مستنطقلکینه خیزان قضاسی بدایت محکمه سی مستنطق عمر ادیب افندیلر نقل و تعیین اولمش و تحویل مأموریتی ایجاب ایدن اسکیشهر قضاسی لوا بدایت محکمه سی جزا دائره سی رئیس علی ضیا افندی ایله درسم سنجانی بدایت محکمه سی رئیس رشاد و آخر محله نقلی اقتضا ایلین اسکیشهر لوا بدایت محکمه سی مدعی عمومی معاونی لطفی افندی ایله بایزید سنجانی بدایت محکمه سی مدعی عمومی معاونی حافظ محمد خلوصی افندیلرک بجایشاری اجرا قلمشدر .

اشبو اراده سینه نک اجراسنه عدلیه ناظری مأمورد .

۳ رمضان سنه ۱۳۴۱ و ۲۴ تموز سنه ۱۳۲۹

محمد رشاد

عدلیه ناظری
ابراهیم
صدراعظم
محمدسعید

قوانین و نظامات

« قانونه هزانک یوز بتمنه طقوزنجی ماده سنک عهده سی »

ماده ۱ — قانون جزانک یوز یتمش طقوزنجی ماده سنک علاوه سی بوجه آتی تعدیل ایدلشدر .
اشبو ماده ده بیان اولنان فعل اون کوندن زیاده خسته لئی موجب درجده دکل ایسه تعقیبات اجرایی مضروب و مجروحک شفاهاً و یا تحریراً شکایتنه متوقفدر حکم اکتساب قطعیت ایدنجیه قدر مضروب و یا مجروحک بوقییل ضرب و جرح دعوالرندن فراغتی حقوق عمومی دعواسنک سقوطنی مستلزمدر .
ماده ۲ — بو قانونک حکمی اعلانی کوننک فرداسندن اعتباراً مرعی الاجرا اوله جقدر .

ماده ۳ — بو قانونک اجراسنه عدلیه ناظری مأمورد .
اشبو لایحه قانونیه نک مجلس عمومینک کشادنده قانونیتی تکلیف اولنق اوزره موقتاً موقع اجراییه وضعی و قوانین دولته علاوه سی اراده ایدرم .
۹ ل رمضان سنه ۱۳۴۱ و ۳۰ تموز سنه ۱۳۲۹

محمد رشاد

عدلیه ناظری
ابراهیم
صدراعظم
محمدسعید

« اصول محاکمه حقوقیه قانونه موقتی نرینک ۲۹ و ۳۰ نجی ماده لرینی معدل مراد قانونیه صورتیدر »

ماده ۱ : محکمه تمیز دعوائی اوراق اوزرینه رؤیت و تدقیق ایدر شو حالده تمیز استدعالرینک محکمه تمیزه ورودی تاریخندن اعتباراً نهایت ایکی ماه ظرفنده تدقیقات تمیزییه سی اجرا و حکم قرارلری اعطا اولنور و بر دعوانک رؤیتی اثناسنده آکا متفرع اولوبده کورلمی لازم کلن و بدایت و استیناف محکمه لرنده ارائه و ابراز اولنوبده هر نصلسه اعلام تمیزیه اصلا و یا خود درجه واضحه درج اولنمین اوراق سائر دخی محکمه تمیزجه جلب و مطالعه اولنه بیلیر

ماده ۲ : یکریمی اوچنجی ماده وجهله کفالت حقنده استینافیه قبول اولنان اصول محکمه تمیز جه دخی عیناً جاری و معتبردر

ماده ۳ : محکمه تمیز حقوق دائره سنک قرارلری اوزرینه اعتراض و اعاده محاکمه استدعاسی جائز دکادر آنحق ماده آتیاده محرر اسبابدن برینک وجودی تقدیرنده طرفیندن بری دائره مذکوره اعلامنک کندیسنه تبلیغی تاریخندن اعتباراً اوتوز کون ظرفنده اعتراضاتی مبین طوغریدن طوغرییه محکمه تمیزه و یا خود دائمی و یا موقت اقامتگاه محکمه سنه بر عرضخال اعطاسیله ویریلان قرارک تصحیحی طلب ایده بیلیر تصحیح قرار استدعاسنده بولنان کیمسه نک اعتراضاتی موافق قانون کورلدیکی صورتده کندیسنه اعاده اولنق و عرضخالی رد ایدلدیکی صورتده ایراد قید ایدلک اوزره بش عثمانلی آلتونی تودیع ایتکه مجبوردر مذکور عرضخالک بر صورت مصدقه سی عرضخالک ویرلدیکی محکمه طرفندن دیگر طرفه تبلیغ اولنق لازمدر دیگر طرفده بر هفته ظرفنده جواب لایحه سی ویریه بیلیر بو تبلیغ معاملیه سی اقامتگاه محکمه سی طرفندن وقوع بولدیغی حالده محکمه جه تصحیح قرار استدعاسی و تبلیغ علم و خبری و دیگر طرف جواب لایحه سی ویرمش ایسه اشبو جواب لایحه سی محکمه تمیزه ارسال و بش لیرانک تودیع ایدلدیکی تاریخ تودیعک تصریحیه اشعار اولنور

تصحيح قرار طلبی مدار استناد اولان اورا فده صنيعه ويا ساخته لك كې احوالك وجودينه مبنی اولديني تقدیردم ذكر اولدن مدت احوال مذكوره نك ثبوت و تحققی تاریخندن اعتبار اولنور اسباب تصحیحی حاوی عرضحال ایله دیوزیتو آنچه سنك محاکمه قید و اعطاسی تاریخلری دخی تصحیح قرار طلبنك وقوعه مبدأ عد اولنور

ماده : ۴ ماده سابقه مذکور اسبابدن برنجیمی برطرفك ویرمش اولديني لایحه ده بر ماده قانونیه استناداً در میان ایتش اولديني بر اعتراض ویا جوابك تمیز اعلامنده موضوع بحث ایدلیوب مسکوت عنه بر اقلش اولسی . اینکنجیمی محکمه تمیزه ابراز وارانئ اولنش اولان اورا فده بر صنيعه و ساخته لك وقوع بولش اولسی . اوچنجیمی تمیز اعلامنده بر ماده قانونیه مغایر بر قرار بولنسی . دردنجیمی یکدیگرینه میان قرارلر بولنسیدر . فقط ایکی اولکی سبب موجب تصحیح اولق ایچون حکمك تغییرینی مستلزم اوله جق صورتده نفس حکمه مؤثر اولق شرطدر محکمه تمیز مستدعی تصحیحك در میان ایتدیکی اسباب خارجده سائر اسباب قانونیه تحری و تدقیق ایده من .

ماده : ۵ محکمه تمیز مستدعی تصحیحك اعتراضاتی نفس الامر موافق کوردیکی تقدیرده سبب تصحیح دعوائك كافة اقسامنه تأثیر ایتش ایسه اعلامی تمامیه و مجرد بر قسمنه تأثیر ایتش ایسه یالکیز اوقسمه عائد اولان قرارى اصلاح ایدر عینی اعلام علیهنده بر دفعه دن زیاده تصحیح قرار طلبی مسموع اولديني کبی تصحیح قرار استدعاسنك ردینه ویا قبولیه قرار سابقك اصلاحنه دائر صدور ایدن حکملره قارشى دخی تصحیح قرار جائز دکلدر شو قدرکه طرفیندن بری تصحیح قرار ایتدیکی حالده دیگر طرف دخی اصول محاکمه حقوقیه قانونك ایکی یوز یکرمنجی ماده سی دائر سنده تصحیح قرار طلب ایده بیلیر تصحیح قرار طلبی حکمك اجر اسنی تأخیر ایتز

ماده : ۶ اشبو مواد معدله نك تصحیح قراره عائد احکامی تاریخ مرعیتندن مقدم محکمه تمیزدن صدور ایدن قرارلر شامل دکلدر

تاریخ مرعیتندن اول یالکیز وقوعبولان طلبه بناء دعوتنامه لری تنظیم و تسطیر ایدلش اولان خصوصات حقتده محاکمه علیه کافی السابق اجرا ایدیلر جکدر

ماده : ۷ بوقانونك حکمی اعلانی کونك فرداسندن اعتباراً مرعی الاجرا اوله جقدر . اشبو لایحه قانونیه نك مجلس عمومینك کشادنده قانونیتی تکلیف اولنق اوزره موقتاً موقع اجرایه وضعی و قوانین دولته علاوه سنی ازاده ایدرم ۹ رمضان سنه ۱۳۳۱ و ۳۰ تموز سنه ۱۳۲۹

عدلیه ناظری صدر اعظم محمد رشاد
ابراهیم محمد سعید

محکمہ تمیز فرائی

محکمہ تمیز فرائی

محکمہ تمیز حقوق دائره سنده صادر اولده ۱۲ اغستوس سنه ۳۲۸ تاریخى ۱۰۱۱ نورى اعلام صوریتدر : « وارثه وصیت غیر جائزدر »

ملیکده مقیم چفته فرون صاحبلى دیمتری چومی ایله یانیله قصاب یورکی ولد دیمتری زوجیه قسطنطنیه قادین بیتمده متکون دعوايه دائر ملکک قضاسی بدایت محکمه سندن ویریلوب مرقوم دیمتری چومی طرفندن تمیزاً تدقیق استدعا قلنان ۸ مایس سنه ۳۲۸ تاریخ والی درت نومرولى اعلام باش مدعی عمومیلک مأموریت علیه سنك مطالعه نامه سی و اول امرده لازمکن پول جزای تقدیلری متفقاً تحت قراره آلدقدن سوکره طرفینك اعتراض و قبول لایحه لری ایله بالمطالعہ تدقیقات تمیزیه اجراسنه ایتدار قلندی .

اعلام مذکور مندرجاتنه نظراً مزبورده قسطنطنیه نامنه اوله رق پدری نیقو چومی طرفندن مرقوم دیمتری چومی به ودیعه اوله رق بر اقلش اولان یوز عدد عثمانلی لیراسنك تحصیل مزبورده قسطنطنیه نك وکیلی محکمه مذکورده دعوی ایلسنه قارشو مدعی علیه وکیلی مبلغ مزبور ودیعه اولیوب پدری موکالی وصی تعیین وبو سببله یوز لیرا تودیغ ایتش اولوب بولردن متولد دعاوینك مرجع رؤیتی محاکم شرعیه اولديني مدافعه بیان وانبأ ایلکله مدعی عمومی حضوریه وظیفه مسئله سی بالتدقیق پاره نك تودیغنده وفات شرطی اولیوب طوغریدن طوغری به امانت اوله رق بر اقلديني آ کلاشمغله وظیفه حقتده کی ادعانك ردینه قرار ویرلدکن صکره محکمه جه جریان ایدن محاکمه و تدقیقات نتیجه سنده مدعی علیه ک مبلغ مذکورى اون بش سنه بر بانقده تمیه ایلدکن سوکره مع فائض مدعی مزبوریه تسلیمنه وصی تعیین قلنديغی ادعا اولیورسده صورت ادعا ومدافعه به کوره مسئله ده و دینك حکمی کوریه مدیکی کبی مجله نك مواد مخصوصه سی وجهله صاحبنك رضاسی اولمق سزین مستودع دیمتری چومی مبلغ مدعایه فائضه ویرمه جکی کبی مودعك وفاتی حسبیلله مستحقته دخی تودیمه مجبور اولدیغندن مبلغ مزبور یوز لیرانك مدعی علیه دیمتری چومیدن مع فائض تحصیلیه مدعی به اعطاسی قرار ویرلدیکی آ کلاشمشدر .

تمیز مرقوم طرفندن ویریلن لایحه ده والده سنك محکمه شرعیه ده اقامه ایلدیکی دعوی اوزرینه متوفی ایله کندی بیتمده جریان ایدن معامله نك نه وصیت ونه ده هبه اولمادیغندن بین الورثه تقسیمنه محکمه شرعیه دن

قرار ویرایش اولدینی کبی عندالحاکمه والده سنک داخل دعوی ایدلمسی طلب ایدلمشیکن بوکاده سمع اعتبار ایدلمیه رکه محکمه شرعیه عائد اولان دعوی حاضرک رؤیت و تحت حکمه النسی یولسز و مغایر قانون اولدیغندن بحکله اعلامک نقضی و جواب لایحه سنده دخی غیر وارد اولان اعتراضات مسروده نک ردیه موافق اصول و قانونه بولنان اعلام مذکورک تصدیق طلب واستدعا قلمش و سالف البیان مطالعه نامه مفادی ایسه لایحه تمیزیه ده وظیفه متدائر اولان اعتراضک وارد کوریه مدیکی بیانندن عبارت بولمشدر .

ایجاب کیفیت مذاکره اولدقدده خصوص مدعابه هر تقدیر بوجه بالا حکم و قراره ربط اولنش ایسه ده اعلام میزبهک مندرجاتندن آکلاشدینی اورره مدعابه مبلغ متوفانک مالی اولدینی و قیزینه ویرلمسی صورتده کی امر وصیتی متضمن بولندینی صورت افاده دن آکلاشلمش اولدیغنه و وارثه وصیت غیر جائز بولدیغنه نظراً مبلغ مذکور دعوای ترکندن حصه ارثیه بی طلب دیمک اولوب بونک ایسه رؤیتی محکمه شرعیه عائد و محکمه نظامیه نک وظیفه سندن خارج ایکن محکمه جه بوجه نظر دقه آلمیه رق خارج از وظیفه رؤیت اولتمسی مخالف قانون اولدیغندن اصول محاکمه حقوقیه قانوننک ایکوز اوتو ایکنجی ماده سی موجبجه اعلام مذکورک نقضیه ایکوز قرق اوچنجی ماده سی حکمنه توفیقاً کیفیک عائد اولدینی محکمه شرعیه حواله سنه واشبو تمیز دعوا سندن دولای اختیار اولنان مصارف مفرداتی زیرده کوسترلش اولدیغندن بونلرکه ایلروده حقسز چیقہ جق طرفه عائد اولسنه ۲۹ تموز سنه ۳۲۸ تاریخده اکثریتله قرار ویرلدی .

« مدعی عمومیک وظیفه سنی ایفا ایدن ذاتک اخیراً هیئت حاکمه میاننده بولندیرلهرق اعطای حکم اولتمسی مخالف قانوندر »

ازمیرده رشیدیه جاده سنده چلبیان فرخانده سنده مقیمان ایلاک بوکیجیدی ابراهام بکیان ایله ارتین حاسقالیان بیننده متکون دعوایه دائر ازمیر تجارت محکمه سندن ۸ مایس سنه ۳۲۸ تاریخی و یوز یکریمی ایکی عددیه ویریلوب مرقوم ابراهام طرفندن تمیزاً تدقیق استدعا قلنان اعلام باش مدعی عمومیک مأموریت علیه سنک مطالعه نامه سی آلدقدن صکره یالکیز مستدعی تمیزک لایحه اعتراضیه سیله بالمطالعہ تدقیقات تمیزیه اجراسنه ابتدار اولندی .

اعلام مذکور مندرجاتنه کوره مرقوم ارتین باعرفحال محکمه مذکوریه مراجعتله مذکور فرخانده کائن فابریقه ده خالی و یوک ایلیکی بولمک و ابراز هنر و عمل و مقابله اجرت اخذ و اجرای تجارت ایتک قصدیه مزبور ابراهام ایله بلامدت عقد ایلدکاری شرکت مضاربه فاسده اوزرینه کندوسی اشبو فابریقه ده

سکسان لیرا قیمتده بش عدد ماکنه و یکریمی بش لیرا قیمتده ایکی عدد تیمور چیقریق و سائر آلات و ادوات وضع ایدرک تاریخ عقدندن اعتباراً بر سنه ک حصه تمتی بالحساب استیفا ایش ایسه ده اخیراً اون آلتی آیلق تمت حصه سنی و آلات و ادوات مذکور سنی مرقوم ابراهام اعطادن امتناع ایلکده اولدیغندن بحکله شرکت مذکورک فسادینه بناءً فسخيله آلات و ادوات مذکورک موجود ایسه عیناً مستهلک ایسه انف البیان قیمتلری اولان مبلغک اون آلتی آیلق اجر مثلیله برابر بالتحصیل طرفه تسلیمنی طلب و دعوی ومدعی علیه دخی مدعیله بر کونا عقد شرکتی ومدعینک کندی نزدنده خدمتی سبق ایتدیکنی ومدعابه آلدن آلتی مجیدیه قیمتده اولان ایکی عدد چیقرفنی اعاده ایده جکنی و دعوی واقعه نک اجر مثل و غصبندن عبارت اولسنه نظراً رؤیتی محکمه حقوقه عائد و محکمه تجارتک وظیفه سندن خارج ایدوکنی افاده و انبا ومدعینک شرکتی اثباتدن اظهار عجز ایله تکلیف ایلدیکنی یعنی مدعی علیه ک ادا ایلاری اوزرینه محکمه جه مدعی عمومی حضوریه وظیفه ادعاسنک بالتدقیق ردی قرار کیر اولدقدن ومدعینک مدعی علیه نزدنده کی خدمتی حقنده اقامه ایتدیکنی شهود استماع اولدقدن صکره جریان ایدن محاکمه و تدقیقات نتیجه سنده مدعینک ماکنه لر حقنده کی ادعاسنی اثبات ایده میوب بوبابده کی حق یمینی عندالاستیناف استعمال ایده جکنی بیان ایتسنه مبنی مدعی علیه ک اقرار ایلدیکنی چیقرقلردن مابعداً آلات و ادواتن طولانی مدعینک منع معارضه سنه ومدعینک مذکور اون آلتی آی ظرفنده ایام تعطیلیه دن غیر مدعی علیه نزدنده سبق ایدن مدت خدمتک اجر قی حقنده اهل و قوف ظرفندن تعیین اولنان جمعاً طقوز بیک آلتی یوز غروشک تحت اقرارده اولان چیقریق و یاخود اشبو چیقریقک بدلی اولان اوچ مجیدیه ایله معاً مدعی علیه ک بالتحصیل مدعی به اعطالسنه حکم و قرار ویرلدیکی آکلاشلمشدر .

مستدعی تمیز طرفندن ویریلان لایحه ده مدعی ایله بینلرنده بر کونه شرکت فاسده اولمادیغی یمین ایله حل ایدلمش وشو حالده اشبو دعوانک فرعی اولان اجر مثل دعوا سنک ردی لازم کلمش و وظیفه حقنده مطالعه سی استفسار اولنان مدعی عمومی معاونی اخیلک افندینک اخیراً محاکمات جاریه نک بر قسمنده اعضا صقیله استخدامی غیر جائز بولنش ایکن بوجه تکرک نظر دقه آلمامسی مغایر قانون ایدوکنندن بحکله اعلامک نقضی استدعا ایدلمش و مطالعه نامه مفادی درمیان اولنان وظیفه اعتراضک غیر وارد ایدوکنی بیبندن عبارت بولمشدر .

ایجاب کیفیت مذاکره اولدقدده مدعی عمومیک وظیفه سنی ایفا ایدن ذاتک اخیراً هیئت حاکمه میاننده بولندیرلهرق اعطای حکم اولتمسی مخالف قانون اولدیغندن اعلام مذکورک بوجه تکرک اتفاقله ومدعی شرکت قاسده ضمننده مستحق اولدینی عملنک اجر قی ادعا ایش و مدعی علیه ایسه شرکتی بالکلیه انکار ایدرک اثبات اولنه مامسی ملابس سیله بوبابده توجه ایدن یمینی مدعی علیه قبول ایش و بناءً علیه اورته ده بر شرکت فاسده موجود ومدعینک شرکت فاسده خارجنده ومستقل اولهرق ایفای عمل ایتدیکنی یولنده طلبی غیر مسبوق

بولنش اولدینی حالدہ شرکت فاسدہ ضمنندہ مستحق اولدینی اجرت ایچون محاکات اجرا ایدیلرک حکم اعطا اولمسی دخی مخالف قانون اولدیغندن بوسببه بناء ده اکثریتله نقضیه کیفیتک وجه مشروح دائرہ سندہ اعلامہ ربطی ضمنندہ محکمہ مذکورہ یہ اعادہ سندہ ودعوی واقعہ دن طولانی اختیار اولنان مصارف آتیہ تمیزیه نك ایلرودہ حقسز حقیقه حق طرفه عائد اولسنہ ۸ اغستوس ۳۲۸ تاریخندہ قرار ویرلدی .

حکمہ تمیزیه حق دایرہ سندہ صادر اولدہ ۲۵ تشرین ثانی سنہ ۳۲۸ تاریخ ۱۵۳۰ نومردی اعلام ضرر بیدر : « لاحقاً واقع اولان پروتستو معاملات سابقہ یہ حائر تأثیر اوله ماز »

معموره العزیز ولایتی دیون عمومیه اداره سیله خربوط قصبه سبندہ مقیم حریر تخمیلرندن تروزیان آرمناق افندی بینندہ متکون دعویہ دایرہ معموره العزیز ولایتی استیناف محکمہ سندن ۲ مایس سنہ ۳۲۸ تاریخ ویکرمی بش عددی ایله ویریلن اداره مذکورہ نك محلی وکیل طرفندن تمیزاً تدقیقی استدعا قلنان اعلام باش مدعی عمومیلک مأموریت غلیه سنك مطالعه نامه سی آلدقدن صکره طرفینک اعتراض و جواب لایحه لرله برابر بالمطالعه تدقیقات تمیزیه اجرا سنہ ابتدار قلندی .

اعلام مذکور مآلنه کوره مزبور آرمناق افدینک اوچیوز یکرمی برسنه سندہ بخارجہ کوندیرمک اوزره اولدینی یکرمی ویکرمی بش غراملق درتیک پاکت حریر تخمیلرینه دیون عمومیه مدیری احمد سالم افدینک باندروال الصاق ایتماسندن ناشی مذکور تخمیلر متعهد اولدینی وقت وزمانده محل مقصوده واصل اوله مدیغندن بویوزدن دوچار اولدینی جمعا یکرمی سکر بیک یوز بر غروش لیرا باره نك مدیر مومی الیه احمد سالم افدیندن تحصیل حقندہ استحصال ایدیلکی اعلامک عندالتمیز دعوی واقعہ نك اداره مذکورہ علیهنده اولسنه کوره ویریله حکمک دخی اداره مذکورہ یہ اضافہ اعطاسی مقتضی ایکن مأمورک شخصاً محکوم ایدلمسی و بویکی تضمینات قبیلندن اولان دعاویده فائز لازم کیه جکی حالدہ حکم اولمسنک مغایرت قانونیه سندن طولانی نقض و اعادہ اولمسی اوزرینه محکمہ جہ تمیز قرارینه بالاتباع مبلغ مذکورک دیون عمومیه اداره سندن تحصیلنه دایر ویریلان اعلام ابتدائی اختیارک عندالاستیناف تصدیقی متضمن اولان اعلامک تمیزاً اولکی اعلامک دعوی عرضالی اداره علیهنده اولدینی حالدہ مأمورک شخصاً مسئول ایدلمسندن طولانی نقض ایدلمش وشو صورتله دعواده خصم تبدل ایتسی جهتله محکمہ جہ یکیدن محاکمہ اجرا و ادعا ایدیلان ضرر وزیانک اسباب ثبوتیه سی استحصال ایدلدکن صکره حکم ایدلمک لازم کلیر ایکن بالکرجه متقوضه نك اصلاحیه اکتفا ایدلمسنک مغایرت قانونیه سندن ناشی نقض و اعادہ اولمسی اوزرینه محکمہ استینافیه جہ مدعی عمومی حضوریه جریان ایدن محاکمہ و تدقیقات نتیجه سندہ مدعی آرمناق افدینک بویابده یکرمی سکر بیک یوز بر غروش لیرا باره ضرر و زیانہ دوچار اولدینی یوز ایکی قطعه پروتستو ورقه سی و بروسه

تجارت اوطنه سی رئیس طرفندن مورد تلغرافنامه مندرجاتیه تحقق ایتسنه بناء مبلغ مذکورک دیون عمومیه اداره سندن بالتحصیل مدعی یہ اعطاسه حکم وقرار ویرلکی اکتفا ایدلمسندر مستدعی تمیز طرفندن ویریلان لایحه ده : مدعی مدیر احمد سالم افدینک لغرض باندروال الصاق ایتماسندن ناشی ضرر وزیانک تضمینی طلب ایتکده اولمسی حسیله مدیر مومی الیهک شخصاً مسئولیتی لازم کلدیکی کی اداره نك محکومیتی لازم کلسه دخی اداره سنك یا مدیر ویا کیفیتک حق مراجعتی درکار بولنش اولدینی حالدہ محکمہ استینافیه جہ بوجہ نظر دقتہ آلمادینی کی مدار حکم اتخاذ اولنان پروتستو واوراق سائرہ دخی مواضعه صورتیه تنظیم و تعاطی ایدلمش و بناء علیه حکم ایچون غیرکافی بولنش اولدینی حقندہ کی اعتراضک استینافاً درپیش ایدلماسی مغایر قانون اولدیغندن و افادات سائرہ دن بحثله اعلامک نقضی و لایحه جوابیه مؤداسی دخی غیر وارد اولان اعتراضات مذکورہ نك ردیه موافق اصول و قانون اولان اعلامک تصدیقی طلب واستدعا اولمش و انف الیمان مطالعه نامه مندرجاتی دخی لایحه تمیزیه ده اسباب ثبوتیه حقندہ سرد اولنان اعتراضک بجا کوردلکی بیانندن عبارت بولمشدر :

ایجابی لدی المداکره کیفیت هر نه قدر برمنوال محرز حکم و اعلامه ربط اولمش ایسده محکمہ تمیز جہ اولجه دیون عمومیه مأمورینک شخصنه خصومت توجه ایتیموب خصومت واقعہ نفس اداره یہ توجیه ایدلمسی لازم کله جکی یولنده نقض ایدلمش و بونقض اوزرینه محکمہ عائدہ سنجه اداره مأموری علیهنه خصومتک توجیهیه اکتفا ایدیلرک بلا خصم اولجه اجرا ایدیلان محاکمده متخذ اولان مقررات سابقه تملماً شایان قبول عد ایش اولمسندن ناشی تکرار نقض اولنه رق بودفعه خصم قانونی مواجهه سندہ اجرا قلنان محاکمہ نتیجه سندن مستبان اولدیغنه کوره مدعی پروتستوی کشیده ایدلدکن صکره مدعی علیه وظیفه سی ایضا ایش اولدیغنه و بوحالدہ مدعینک پروتستو ایله طاب ایتدیکي نتیجه حاصل اولمش و پروتستو تاریخندن مقدم زمانه معطوف اولان تضمینات ایسه پروتستویه مستند بولنماش چونکه لاحقاً واقع اولان پروتستونک معاملات سابقه یہ حائر تأثیر اولیه جکی آشکار بولنش اولدیغنه کوره پروتستونک تاریخ تبلیغندن مقدم زمانده مدعی یہ ترتب الیمان ضرر وزیان حقندہ کی مدعیاتک ردیه قرار ویرلمک لازم کلور ایکن بروجه مشروح قرار ویرلمسی بولسر و مغایر قانون اولدیغندن اصول محاکمہ حقوقیه قانونک ایکیوز قرق برنجی ماده سی موجب جہ اعلام مذکورک نقضیه ایکیوز قرق درنجی ماده سی حکمنه توفیقاً کیفیتک برمنوال محرز بالرؤیه اعلامه ربطی ضمنندہ محکمہ مذکورہ یہ اعادہ سندہ و اشبو تمیز دعواسندن طولانی اختیار اولنان زیرده مفرداتی مرقم مصارفک ایلرودہ حقسز حقیقه حق طرفه عائد اولسنه ۲۶ اغستوس ۳۲۸ تاریخندہ اکثریتله قرار ویرلدی .

محكمة تمييز جزاء دره سی مقرراتی

محكمة تمييز جزاء دره سی صادر اولاده ۲۵ نيسانه سنه ۳۲۹ تاريخی و ۵۹۲ نومردی اعظم صور تير :

« شهادت ايله ضبط ورقه سی و مجروحك افاده سی آرسته ده کی مباينتك حل و تدقيق جهتنه کيدلک لازمدر »

حاب ولايتی استيناف محکمه سی جزاء دره سندن صادر اولان ۲ ربیع الاول ۳۳۱ و ۲۶ کانون ثاني ۳۲۸ تاريخی و ايکي يوز اتمش ايکي نومرولی اعلام ايله اوراق متفرعه سی باش مدعی عموميلک مأموريت عليه سندن ۱۶ جادی الاول ۳۳۱ و ۱۰ نيسان ۳۲۹ تاريخی و بش يوز الی سکز نومرولی تبليغنامه ايله محکمه تمييز جزاء دره سنه اعطا قلمشدر .

اعلام مذکورک خلاصه مالی اوچ يوز يکرمی یدی سنه سی اغستوسنک يکرمی التنجی کونی حلبک نحاز محله سندن عبدالفتاح بيطارک فستقلغه بالهجوم کندوسيله اجيرلری اوزرينه قتل قصديه سلاح انداخت و مذکور فستقلق بکيجیسی عمر بن حاجی دیبوضایی قتل و محمود بيکاری قتل قصديه جرح ايتک ماده لرندن دولای جنایتله اتهام اولنان حاجی احمد بن حاجی حسين ابودان و محمد بن محمد ابوخرس حجاج و ابراهيم بن حميد حسون و حاجی عمر شاکر و فراری حاجی محمود بن حسين ابودان و حاجی عمر شاکر و حاجی حمدو و شاکر و فارس بن حاجی حمد ابودان و محمد بن علی الادريسک جنحه مظلونلریله معاً اجرا قلان محاکمه عليه لری نتیجه سنده متهمون مرقوموندن حاجی محمودک فستق محصولی يوزندن تولد ایدن منازعه ده من غیر تعمير فعل قتل مذکوره و حاجی احمد قتل قصديه محمودی جرحه و مرقوم حاجی احمدک محمد ابوخرس و ابراهيم بن حميد و حاجی حمدو شاکر و محمد علی الادريس ايله برابر عبدالفتاح و رفقاسنده قتل قصديه سلاح استعماله جرأتلری و فارسک ده قتل مذکوری امر ایلدیکی و حاجی عمر شاکرک دخی اخافه قصديه قسا تشهير ايتمش اولدینی شهادت واقعه و ضبط ورقه لری مندرجاتی و دلائل سائر ايله ثابت اولدیغندن حاجی عمرک فاعليتیه و ديکدرلرینک مجرمیتیه و صورت حرکتلرینه نظراً بونلردن حاجی محمودک قانون جزانک يوز اتمش دردنجی ماده سنک فقره اولاسنه توفیقاً اون بش و حاجی احمدک دخی فقره مذکوره یه تطبیقاً تعین اولنان اون بش سنه کورک جزا سنک قانون مذکورک قرق التنجی ماده سنک ایکنجی فقره سی موجبجه نصفنک تنزیله یدی بحق ابوخرس و ابراهيم و حاجی حمدو و محمد علی الادريسک قانون مذکورک يوز سکسانجی ماده سی علاودنه و فارسک يوز سکسان دردنجی ماده سنه تطبیقاً اوچر سنه مدتله کورکه قونلرینه و حاجی عمر شاکرک دخی جنحه مظلونلردن عبدالحميد و علی الادريس ايله يوز اتمش طقوزنجی ماده نک ایکنجی فقره سی موجبجه اوچر ماه حبسلرینه و مرقوموندن فارس ايله حاجی عمر شاکرک قتل قصديه سلاح انداختی فعلندن و ديکدر

جنحه مظلونلرینک افعال مدعا بهادن برائتلینه ۲۶ کانون ثاني ۳۲۸ تاريخنده حکم اولدیغندن عبارتدر . جنایت محکوملردن حاجی احمد و محمد ابوخرس و ابراهيم طرفلردن مشترکاً و يريلوب میان اوراقده بولنان برقطعه لایحه تمييزیه ضبط ورقه سنده امضالری بولنان کسانک عندالحا که مذکور ورقه مندرجاتی تکذیب ایلدکلردن و مدافعه و کیللری طرفندن سرد ایدیلان مدافعاتک اجوبه ردیه سی ارايه ایدلديکندن و سائردهن بحشله حقلرنده کی حکمک تقضی استدعا قلمشدر .

مذکور تبليغنامه ده دخی لایحه تمييزیه سرد ایدیلان اعتراضات عندالحا که مدافعه اتیان ایديله رک اسباب موجبیه بیانیه رد ایدلسنه نظراً غیر وارد اولدیغندن و دعوانک حاجی احمده عائد اولان صورت جریان محاکمه سيله قانونه تطبیق حقنده اعتراضه محل کوريله مدیکندن بحتله اعلامک مرقومه عائد فقره حکمیه سنک تصدیقی و ديکدر متهم محمد ابوخرس و ابراهيم کلنجه : انداخت ايتمش اولدقاری ادعا ایدیلان سلاحلرک قتل قصدينه مقرون اولدینی حقنده کی اسباب ثبوتیه نک مجرمیت قرارنده توضیح و تفصیل و هدف اتحاد ايتدکاری مقتول دیبومی ایدی یوقسه مجروح محمود بيطاری ایدی بوراسنک تعین و بوسلاحلرک دیبونک قتلدن اولمی یوقسه صوکره می اتمش اولدیغنک تصریحی لازمکلور ایکن او یولده معامله ایفا ایدلماش اولدینی بیانیه ده مرقومانه عائد فقره حکمیه نک تقضی طلب اولنشدر .

اوراق دعوی بعدالمطالعه حکم جنائی و جاهیدن دولای تدقیقات تمييزیه اجرا اولندقدن تبليغنامه ده مرقوموندن حاجی احمد حقنده کی حکمک تصدیقی طلب اولندقدن ایسه ده محاکمه ضبطنامه سنک التنجی صحیفه سنده مندرج ضبط ورقه لرنده صول قولندن مجروح اولان محمود بيطاردن حیقاریلان مرمی اولوقت محمد حجاجدن آلهرق برکوزی یکی اتمش بوش بولنان روولور مرمیسی اولوب بوجهتی ضابطه مأمورلری عندالحا که مع القسم تأیید ايتدکاری کبی مجرمیت قرارنده دخی ضبط ورقه سنک مزیت قانونیه یی حائر ایدوکی کوسترلیدیکی و محکمه یه کلیان مجروح مرقوم ده ینه اشبو ضبط ورقه سنه نظراً کندوسنی متهملردن فراری حاجی محمودک جرح ایلدیکی سوبله مش اولدینی و ديکدر طرفدن محکمه جه قبول و استناد ایدیلان شهود دعوان بکری و محمد بن رحیم کبی بعض شاهدلرک رؤیتیه مستند شهادتلری ایسه جرح مذکورک فاعلی مهلردن حاجی احمد ایدوکی مبین بولندینی حالده شهادت مذکوره ايله ضبط ورقه سی و مجروحك افاده سی آرسته ده کی مباينتك حل و تدقيق جهتنه کيدلماش و برده مرقوم حاجی احمدک مدافعه اقامه ایلدیکی تعین و اثبات مکان شهودیه بعض حقوق عمومیه شاهدلرینک افاده لری یکدیگرینه مخالف کورلدیکندن بونلرک بالمواجهه استماعلری حقوق عمومیه نامنه طلب و درمیان قلنهرق چونکه هرايکی قسم شهادت ده رؤیتیه مستند و شخص واحدک بر زمانده ایکی مکانه اثبات وجود ایده یيلمسی محال و تمتنع بولنمشندن ناشی طلب واقع شایان قبول و تدقيق ایکن اکثریتله رد ایدلماش و دعوی شاهدلرینه عندالحا که وقوع بولان طعن و اعتراضک رد و یا قبولنه دأرده برقرار ویرلماش اولدیغنه مبنی متهم حاجی احمد حقنده کی حکمک بوسبیلردن و قتل قصديه

تسهيرو سلاحدن وجاهاً محكوم محمد ابو خرس و ابراهيم حقارنده کی حکمک دخی صورت اخباراته کوره یقین مسافه دن برجم غفیره توجیه واستعمال ایدیلان سلاح مرملینک عدم اصابتی اسبابک مجرمیت قرارنامه سنده ایضاح اولنماسیله تبلیغنامه ده محرر اعتراضاتدنطولای اصول محاکمات جزائیة قانونک اوچیوز اون دردنجی ماده سنه توفیقاً نقضه واحکام قانونیه دائره سنده ایفای معامله اولنق اوزره اوراقک محله اعاده سنه وایکی یوز غروش اعلام خرجک ایلروده حقسنر حقیقه جق طرفدن تحصیلنه ۲۰ نیشان سنه ۳۲۹ سنه تاریخنده متفقاً قرار ویرلدی .

محکمہ تمیز جزا دائره سندن صادر اولان ۸ ضربیه سنه ۳۲۹ و ۱۲۸۷ نومرولی اعلام صورته یزیدر :

« متشبت جرم اوله یامک ایچون جرمک افعال ابرائیة سنه مباشرت مقتضیات قانونیه دندر »

قدس شریف سنجانغی استیناف محکمه سی جزا دائره سندن صادر اولان ۳ جمادی الاول سنه ۳۳۱ و ۲۶ مارت سنه ۳۲۸ تاریخلی و طقسان اوچ نومرولی اعلام ایله اوراق متفرعه سی باش مدعی عمومیلک مأموریت علیه سندن ۲۱ جمادی الاخر سنه ۳۳۱ و ۱۵ مایس سنه ۱۲۹ تاریخلی و بیگ سکسان بش نومرولی تبلیغنامه ایله محکمه تمیز جزا دائره سنه اعطا قلمشدر .

اعلام مذکورک خلاصه مالی اوچیوز یکر می یدی سنه سی کانون ثانیسنک یکر می یدنجی کیجه سی قدس شریفده مقیم الحاج عبد شیخه نک دکانی احراقه تصدی و پولیس مأمورلرینه رشوت تکلیف ایلدیکی ادعا قلمشسندن دولای جنایتله اتهام اولنان قدس اهالیسندن یوسف بن ابراهیم المنیرک اجرا قلنان محاکمه علیه سی نتیجه سنده متهم مرقومک براله جق مسئله سندن متولد اغبرار سائقه سیله مدعینک دکانی قصداً احراقه تصدی ایدوب اسباب مانعه حیلولتیه فعله چیقاره مدیغی شهادت واقعه و ضبط ورقه لری مندرجاتی و امارات سائر ایله ثابت اولدیغندن اولوجهله مجرمیتته و قانون جزانک یوز التمش دردنجی ماده معدله سنک فقره اخیره سنه توفیقاً اوچ سنه مدته کورکه قولنسنه و رشوت ماده سندن برائتته ۱۸ ایلول سنه ۳۲۸ تاریخنده حکم اولدیغندن عبارتندر .

تبلیغنامه ده دخی صورت جریان محاکمه سیله قانونه تطبیق حقنده اعتراضه محل کوریه مدیکی بیانیله اعلام مذکورک تصدیق طلب اولنمشدر . اوراق دعوی بغداد المطالعه حکم جنائیدن دولای بدقیقات تمیزیه اجرا اولندقدده مذکور تبلیغنامه ده اعلامک تصدیق طلب اولنمقدده بولنش و محکمه محلیه جبه متهم مرقوم یوسفک بر الاجق مسئله سندن متولد اغبرار سائقه سیله مشکی حاجی عبد شیخه نک دکانی احراقه تصدی ایلمک فعلنک فاعلی اولق اوزره مجرمیتته قرار ویرلش اینه ده اولابده کی اعلام و ضبطنامه مندرجاتندن مستبان اولدیغی وجهله عندالحاکه ثابت

اولان احوال مرقومک یدنده برغاز شیشه سی بولندیغی حالده محل وقعه اولیان حاجی حسنک دکانی اوکنده اوطورمقدده ایکن دردست اولنمشندن و عندالکشف مذکور دکان اوکنه غاز دوکولش اولدیغک اکلای شلمسندن عبارت بولنسنه و متشبت جرم اوله بیلیمک ایچون جرمک افعال ابرائیة سنه مباشرت مقتضیات قانونیه دن اولنسنه نظراً متهم مرقومک حرکتی یالکز غاز دوکوک صورتیه معاملات استحضاریه منحصراً قلمش و ایقاع ایلیه جکی احراق جنایتک افعال ابرائیة سندن فراغتی برکونا سبب مانع حیلولت ایتکسزین محل مذکوردن مفارقتیه آکلاشلش ایکن محکمه محلیه جبه حرکت واقعه سنک تشبت درجه سنده کورولسی مخالف قانون و نقض حکمی مستلزم اولدیغندن حکم مذکورک اصول محاکمات جزائیة قانونک اوچیوز اون دردنجی ماده سنده توفیقاً و سبب مسروده بناءً نقضیه احکام قانونیه دائره سنده ایفای معامله اولنق اورده اوراقک محله اعاده سنه وایکی یوز غروش اعلام خرجک ایلروده حقسنر حقیقه جق طرفدن تحصیلنه ۱۹ مایس سنه ۳۲۹ تاریخنده اکثریتله قرار ویرلدی .

محکمہ تمیز جزا دائره سندن صادر اولان ۲۵ ضربیه سنه ۳۲۹ تاریخلی و ۱۵۷۵ نومرولی اعلام صورته یزیدر :

« قتل و تطبیق ماده »

کربلا سنجانغی بدایت محکمه سی جزا دائره سندن صادر اولان ۲۱ ربیع الاخر سنه ۳۳۱ و ۱۹ مارت سنه ۳۲۹ تاریخلی درتیوز اوچ نومرولی اعلامک تمیزاً تدقیق حقنده محکمه مذکوره مدعی عمومی معاونلکندن معطی استدعنامه ایله لایحه تمیزیه و اوراق متعلقه سی باش مدعی عمومیلک مأموریت علیه سنک ۲۰ جمادی الاخر سنه ۳۳۱ و ۱۴ مایس ۳۲۹ تاریخلی و بیگ سکسان یدی نومرولی تبلیغنامه سیله محکمه تمیز جزا دائره سنه اعطا قلمش و مدت قانونیه سی ظرفده ویرلیدیکی اکلاشیلان مذکور استدعنامه قبول ایدیش اولغله مطالعه اولندی .

اعلام مذکورک خلاصه مالی : اوچیوز یکر می یدی سنه سی کانون ثانیسنک یکر می سنکسزنجی کونی لیلانت شدوخک کیفیت قتلندن دولای جنایتله اتهام اولنان کاظمیه قصبه سندن سید عبدالامر بن سید محمد ابغدادک طویلان محله سندن خضیر بن عباس و فراری سید محمد و صالح و محمدک وجاهاً اجرا قلنان محاکمه علیه لری نتیجه سنده متهمون مرقوموندن خضیرک طریق فحشه صاپان زوجه سی مزبورده لیلای متهم سید عبدالامیر و بر طاقم القته لره برلکده بر آراهده کورمشندن متولد تهور وحدتله من غیر تعمد قصداً فعل قتل مذکوره جرائی شهودک مع القسم واقع اولان شهادتی و ضبط ورقه سی طبیب راپوری مندرجاتی و کندیسنک اقرار و اعترافی دلالتی ایله ثابت اولدیغندن اولوجهله مجرمیتته زوجه سی بولنان مزبورده لیلانک

اجنبی اولان سید عبدالامیرله فراش غیر مشروع عد اولان بر آرا به ده بولمسندن ایلری گلش اولسنه نظر آمر قومک حرکتی قانون جزانک یوز سکسان سکنجی ویوز طقسانجی ماده لرینه موافق کورولدیکندن ماتین مذ کوره تین احکامنه تطبیقاً الی ماه مدله حبسنه ومدخل ومشارکتلری اصولاً موقوف وغیر موقوف دیگر متهملرکده برائت لرینه ۳۰ تشرین اول سنه ۳۲۸ تاریخده حکم اولدیغی محتویدر .

لایحه تمیزیه مفادی دخی متهملرک فعل قتله مجاسرتلری مقتوله نك قبل الوفا ت ضبط اولسان افاده سی وشهودك مع القسم واقع اولان شهاداتی ضبط ورقه سی ومعاینه راپوری مندرجاتی ومتم حضیرك اعتراف واقاراری کبی عندالحاکمه تحصل ایدن دلائل و امارات قانونیه ایله ثابت اولدیغی حالده بولردن حضیرك جنحه درجه سنده محکومینه و دیگر متهملرک برائت لرینه قرار اعطاسی مغایر قانون اولدیغندن بحثله اعلام مذ کورک مرقوم حضیره عائدجهتک عادیا وجهات سائرهنکده اوچیوز اون بشنجی ماده اصولیه موجبنجه نفعاً للقانون نقضی استدعاسی محتویدر .

اوراق دعوی بعدالمطالعه اعلام مذ کورک سید محمد وصال و محمد داوده عائد جهتک غیابی اولسیله تمیزی اصول محاکمات جزائیه قانوننک اوچیوز یتش طقوزنجی ماده سی موجبنجه باش مدعی عمومیلکه عائد اولوب محلی مدعی عمومیسنک صلاحیت قانونیه سی خارجنده بولنش وجهت وجاهیسندن طولای تدقیقات تمیزیه اجرا اولندقدده لایحه تمیزیه ده سید عبدالامیرک ثبوت جرمنه دائر درمیان اولنان اعتراض مقتوله نك قبل الوفا ت آلتان افاده سیله حقوق عمومیه شاهدلرینک بیاناتنه نظرآ غیر وارد کورلش اولدیغندن بر موجب تبلیغنامه مرقومونه عائد تمیز استدعاسنک ردینه و دیگر متم حضیره کانجه مرقوم من غیر تعد قصداً قاتل اولق اوزره جنایتله تجریم ایدلیکی حالده تعیین جزا قرارنده قاتل معذور اولدیغندن بحثله جنحه درجه سنده بولنان یوز طقسانجی ماده قانونیه تطبیق کیفیت اولنسی وزوجه سی مقتوله لیلانک اجنبی اولان سید عبدالامیر ایله بر آرا به ده بولمه نك فراش غیر مشروع عدیده ده متهمک اولوجهله قاتل معذورکوستراسی مغایر قانون ولایحه تمیزیه ده سردایدیلن اعتراضاتک مرقومه تعلق ایدن جهتی تبلیغنامه ده دخی بیان اولدیغی اوزره بو طریقه بجا کوریلش اولدیغندن مرقوم حضیره عائد جهت حکمیه نك اصول محاکمات جزائیه قانوننک اوچیوز اون دردنجی ماده سنه توفیقاً تفصیله احکام قانونیه دائره سنده ایضای معامله اولنق اوزره اوراقک محله اعاده سنه وایکی یوز غروش اعلام خرجنک ایاریده حقسنر حقیقه حق طرفندن تحصیلنه ۱۹ مایس سنه ۳۲۹ تاریخده متفقاً قرار ویرلدی .

لایحه تمیزیه ده مذ کور کتابک حق تألیفی کندیلردن مقدم مدعی الیاس افندی یه صالتش اولسه دخی سندینک معارف نظارتندن تسجیل اولنادیغی جهتله بیع مذ کورک کندیلرنجه تحت مجبولیتده اولسنه وبو سیدن ناشی مؤلفندن اشترا ایلدکاری مذ کور کتابک طبعندن دولای موجب مسئولیت بر حال بولنادیغنه و اعضادن نعمه اه افندی نك هم بدایت وهدده استیناف محکمه سنده هیئت حاکمه میاننده بولنسی مغایر قانون

مکمل خبر سارا زهی مغربی

مکمل خبر استماعی دائره سنده صادر اولاده ۱۹ صبرانه سنه ۳۲۹ تاریخ ر ۶۸۵ نومردی اعلام صورتمدر :

« ایشده جرم تشکیل ایدر بر فعل و حرکت موقوف اولوب اولمادینی ملاحظه ایدلایمسی خطیبات قانونیه دندر »

در سعادت استیناف محکمه سی جنحه دائره سندن تنظیم و اعطاس و ۲۵ کانون اول ۳۲۸ تاریخده امر تهمیمی اجرا قلنان قراری ناطق اعلامک تمیزاً تدقیقی مستدعی کتابجی قردت افندی زاده اغوب افندی جانبندن معطی استدعانامه ایله اوراق متفرعه سی باش مدعی عمومیلک مأموریت علیه سندن باتبلیغنامه محکمه تمیز استدعا دائرسنه تودیع اولنش ولدی التدقیق مذ کور استدعانامه نك مدت قانونیه سی ظرفنده اعطا وشراط لازمه سائرهنک دخی ایفاقلندیغی اکلاشلمش ایدوکندن بالقبول تدقیقات تمیزیه اجرا سنه ابتدارقلندی .

اعلام مذ کورک خلاصه مالی حاذق بکدن اشترا ایدوب حق طبع و فروختی الیاس بها افندی یه عائد اولان معلومات مدنییه نام کتابی خلاف قانون اوله رق طبع وفروخت ایلدکاری ضبط ورقه سی مندرجاتی و کتابلرک اثنای طبعنده دردست اولنسی دلائلیله ثابت اولان مستدعی اغوب و برادری استپان افندی لیرک حق تألیف قانوننک یکرمی بشنجی ماده سی دلائلیله اوتوزایکنجی ماده سی موجبنجه کندیلردن یکرمی بشر لیرا جزای تقدی اخذینه و برر هفته مدتلرله حبسلرینه ومدعینک مقدارینی تعیین ایده مدیکی کتابلردن دولای محکمه عائد سنه مراجعتده مختاریتنه و محکمه جه ضبط و مصادره ایدلش اولان کتابلرک مدعی یه اعطاسه ومدعینک تأدییه ایلش اولدیغی درت یوز سکسان الی غروش ثابت و کتب مضبوطه حقیقه ضبط ورقه سی تنظیم ایدن هیئت مأمورینه مضارف ضروری سنه صرف ایلدیکنی بیان ایتدیکی سکسان غروش حالیه وبش یوز غروش اجرت وکالت که جمعاً بیک البش الی غروشک مظلونلردن مناصفه تحصیلنه دائر بدایه للاحق اولان حکمک مرقومان جانبندن استیناف اولنسی اوزرینه اولابده اجرا قلنان محاکمه وتدقیقات استینافیه نتیجه سنده مظلون مومی الیه اغوب افندی نك مذ کور کتابک حق طبع و فروختنک مدعی یه عائد ایدوکنی بیلور اولدیغی اقرار ایلسنه واعلام ابتدایده محرر ضبط ورقه سنه نظرآ مظلونلرک حق طبعی الیاس افندی یه عائد کتابلری طبع وفروخت ایلدکاری ثابت اولسنه بناء اصول و قانونه موافق اولان اعلام ابتدایک تصدیقه قرار ویرلدیکنی مضمندر .

لایحه تمیزیه ده مذ کور کتابک حق تألیفی کندیلردن مقدم مدعی الیاس افندی یه صالتش اولسه دخی سندینک معارف نظارتندن تسجیل اولنادیغی جهتله بیع مذ کورک کندیلرنجه تحت مجبولیتده اولسنه وبو سیدن ناشی مؤلفندن اشترا ایلدکاری مذ کور کتابک طبعندن دولای موجب مسئولیت بر حال بولنادیغنه و اعضادن نعمه اه افندی نك هم بدایت وهدده استیناف محکمه سنده هیئت حاکمه میاننده بولنسی مغایر قانون

ایدوکنه دائر اعتراضات سردیله اعلام استینافینک نقضی استدعا اولمش و تبلیغنامه ده دخی لایحه تمیزیدهده محرر اعتراضاتدن بدایه رئیس صقیله ایفای معامله ایدن نعمت اه افندینک بالاخره هیئت استینافیه میاننده بولنه رق رایه اشتراک ایلدیکی حقنده کی اعتراض وارد و نقض حکمی مستلزم خطاندن ایدوکی بیانیله اعلام مذکورک نقضی لزومی کوسترلمشدر .

ایجابی لدی المذاکره تفصیلاتی اعلامده محکی محاکات و تدقیقات جاریه نتایجیه نظراً مظنون اغوب افندینک مدعا به کتابک حق تألیف و طبعی اشترا ایلدیکی میرز سند مندرجاتیه مرتبه ثبوتده اولدینی کی مومی الیهک اسباب ثبوتیه میاننده کوستریلان و اقرار صورتنده تلقی ایدیلان افاداتی دخی مذکور کتابک برینه صاتلیدیغنی بیلدیکی یولنده و مطلق صورتده وقوعبولان بیاناتندن عبارت اوله رق اساساً مذکور کتابک حق تألیف و طبعی صورت مطلقه و قطعیده اوله رق مدعی شخصی الیاس افندی به بیع ایلدیکی بیلدیکی حالده کندوسنک اشترا ایلدیکی متضمن بر اقراری محتوی اولمادیغنی جهته درجه اولی محکمه سنجه شو احوال موجودیه نظراً ایشده جرم تشکیل ایدر بر فعل و حرکت موجود اولوب اولمادیغنی شایان تأمل و ملاحظه بولنش ایکن بورالرینک نظر دقته النامسی کی وقوعه کلان خطیئات قانونیه به عندالاستیناف عطف نظر دقت اولمقسزین اولماده کی حکم ابتدائینک بروجه محرر اصول و قانونه موافقتی بالیان تصدیق اولمسی یولسز و مستلزم نقض احوال دن اولوب لایحه تمیزییه مؤداسی بووجهله وارد و بجا کورونمش ایدوکندن اصول محاکات جزائییه قانوننک اوچ یوز اون دردنجی و اوچ یوز اون طقوزنجی ماده لری منطوقجه اعلام استینافینک مستدعی به عائد فقره حکمییه سنک اسباب محرریه بناءً نقضیه احکام قانونیه دائره سنده ایفای معامله اولمق اوزره اوراق متعلقه سنک محکمه مذکوریه و تمیز جزای تقدیمی اوله رق استانبول ولایتی مال صندوقه تودیع اولنان بش لیرانک اصول مذکورک اوچ یوز قرق اوچنجی ماده سی موجبجه مستدعی به اعاده سنه و یوز غروش اعلام خرجنک تعرفه و تعلیمات مخصوصه سنه توفیقاً ایلروده حقسنز چیه حق طرفدن استیفاسنه ۲۱ مایس ۳۲۹ تاریخنده متفقاً قرار ویرلدی .

الحکم تمیز استماعاً دائره سنده صادر اولانه ۲۰ مزیرانه سنه ۳۲۹ تاریخلی ۸۹۲ نومرولی اعلام صورتبیردر

افعال تحقیقیه جمله سنندن اولان حرکتک ضرب تلقیسی غیر جائزدر .

اماسیه سنجی بدایت محکمه سی جزا دائره سنندن استینافاً تنظیم واعطا قلنان ۴ شباط سنه ۳۲۸ تاریخ و ایکی یوز طقسبان اوچ نومرولی اعلامک تمیزاً تدقیقنی مستدعی رجب اوغلی ارسلان جانبندن معطی استدعایله ایله اوراق متفرعه سی باش مدعی عمومیک مأموریت علیه سنندن با تبلیغنامه محکمه تمیز استدعا

دائره سنه تودیع اولمش ولدی التدقیق مذکور استدعایله مدت قانونیه سی ظرفده اعطا و شرائط لازمه سائرده دخی ایفا قلندیغنی اکلشلمش اولدیغندن بالقبول تدقیقات تمیزییه اجراسنه ابتدار ایدلدی .

اعلام مذکورک خلاصه مآلی پولیس مأموری یورکی افندی بی ایفای وظیفه حالنده یقاس نندن طومتق وایتمک صورتیه ضرب ایلدیکی ادعاسیله مظنون علیه اولان ارسلانک فعل مذکورده جرأتی شهود مستمعه نک اخباراتی و کندوسنک منازعه بی اقراری و اولماده کی ضبط ورقه سی محتویاتی دلالتریه ثابت اولمسندن ناشی قانون جزانک یوز اون دردنجی ماده سی حکمنه توفیقاً الی ماه حبسنه دائر بدایه لاحق اولان حکم علیه مظنون مرقوم جانبندن اقامه اولنان استیناف دعواسنک اولا غیباً و اخیراً اعتراض علی الحکم استدعایله اوزرینه وجاهاً سبق ایدن تدقیقات نتیجه سنده موافقت قانونیه سنندن بجهته تصدیقه قرار ویرلدیکنی متضمندر .

لایحه تمیزییهده کندوسی مدعی بی ضرب ایتیموب شهود مستمعه نک اخباراتیه نظراً حرکت واقعیه مدعی مومی الیه طوتوب ایتیمکدن عبارت بولندیغنی حالده محکمه استینافیه به بوراسی نظر دقتیه المنقسزین و جرم ایله جزا بیننده نسبت عادله کوزده دلمکسزین اولماده کی حکم ابتدائینک بروجه محرر تصدیقه قرار ویرلسی مخالف اصول و قانون ایدوکندن بجهته اعلام استینافینک نقضی استدعا قلندیغنی کی تبلیغنامه ده دخی درجه اولی محکمه سنجه اتخاذ اولنان قرارده ضربک اسباب ثبوتیه سی تصریح ایدلماش و درجه ثانییه محکمه سنجه دخی اسباب موجبیه تصریح فلنمیه رق تصدیق جهته کیدلش اولمسی یولسز و مخالف قانون اولوب لایحه تمیزییه مندرجاتی بو طریقله وارد و بجا اولدینی بیانیله اعلام مذکورک نقضی لزومی کوسترلمشدر .

ایجابی لدی المذاکره تفصیلاتی اعلامده محکی شهادات واقعیه و تحقیقات جاریه نتایجیه نظراً درجه اولی محکمه سنجه مظنون ارسلانک یورکی افندی بی الیه طوتوب ایتیمکدن و دوکمه لری قوباره قدن عبارت اولان و افعال تحقیقیه جمله سنندن بولنان حرکت مثبتیه سنک ضرب صورتنده قبول و تلقیسی صورتیه بروجه محرر محکومیتنه دائر ویریلان قرارک عدم اصابتی درکار بولنش ایکن عندالاستیناف بوجهته نظر دقتیه النیه رق قرار مذکورک قانونه موافقتندن بجهته تصدیق اولمسی یولسز و مستلزم نقض احوال دن اولوب لایحه تمیزییه مؤداسی تبلیغنامه ده دخی کوسترلیدیکی اوزره بووجهله وارد و بجا کورونمش ایدوکندن اصول محاکات جزائییه قانوننک اوچ یوز اون دردنجی و اوچ یوز اون طقوزنجی ماده لری منطوقجه اعلام استینافینک سبب مزبوره بناءً نقضیه احکام قانونیه دائره سنده ایفای معامله اولمق اوزره اوراق دعوانک محله اعاده سنه و ایکی یوز غروش اعلام خرجنک تعرفه و تعلیمات مخصوصه سی موجبجه ایلروده حقسنز چیه حق طرفدن استیفاسنه ۲۵ مایس سنه ۳۲۹ تاریخنده متفقاً قرار ویرلدی .

محکمہ تمیز استدعا دائرہ سنہ ۱۳۲۹ خراجی و ۷۸۰ نومرولی اعلام صورنبر :

« امنیت سوء استعمال جرمک شرائط اساسیہ سنی تشکیل ایدن کتم وانکار
مادہ سنک موجود اولوب اولدینی نظر دقہ آلہرق آکا کوره اتخاذ قرار
اولنق لازمدر »

قونیه ولایتی استیناف محکمہ سی دائرہ سندن تنظیم واعطا ۲۲ کانون ثانی ۳۲۸ سنہ تاریخده امر تفهیمی
اجرا قلنان اوچوز طقسان ایکی نومروده اعلامک تمیزاً تدقیقی مستدعی صادق اوغلی ابراهیم جانبندن
معاطی استدعایه ایلہ اوراق متفرعہ سی باش مدعی عمومیک مأموریت علیہ سنندن باتبلیغنامہ محکمہ تمیز
استدعا دائرہ سنہ تودیع اولنمش ولدی التدقیق مذکور استدعایه مدت قانونیه سی ظرفده اعطا و شرائط
لازمہ سائرہ سنک دخی ایفا قلدینی اکلشلمش ایدوکنندن بالقبول تدقیقات تمیزیه اجراسنه ابتدار ایدلدی .
اعلام مذکورک خلاصه مالی حاجی مصطفانک ری اولنق اوزره تسلیم ایلدیکی ایکی یوز طقسان درت
رأس طواردن اون عددینی اضراً کتم ایلدیکی اخبارات ومدعینک حصر ادعاسی و کندوسنک عدم اجابتی
دلالتیه مرتبه ثبوتده کوریلان مستدعی ابراهیمک قانون جزانک ایکی یوز اوتوز التنجی ماده سی حکمنه
توفیقاً برسنه حبسنه ومدعی مرقومک یدی یوز غروش ضررینک بالتحصیل کندوسنه اعطاسنه دائر بدایه
لاحق اولان حکمک محکوم مرقوم جانبندن استیناف اولنمش اوزرینه اجرا قلنان محاکمه و تدقیقات استینافیه
نتیجه سنده اصول وقانونه موافق واعتراضات واقعہ نک غیروارد ایدوکنندن بحکله بالبحث ردیلہ حکم ابتدائینک
تصدیقہ قرار ویرلدیکی متضمندر .

تمیز استدعایه سنده اعلام استینافینک مغایرت قانونیه سنندن بحکله نقضی استدعا اولنمش وتبلیغنامہ ده
دخی مذکور استدعایه ده برکونا اسباب درمیان ایدلمش ولایحہ تمیزیه دخی ویرلمش اولسنندن
دولایی اسباب اعتراض مجهول قلنش ایدوکی بیانیله ذکر اولنان استدعایه نک ردی لزومی کوسترلشدر .
ایجابی لدی المذاکره مندرجات اعلامدن استنباط اولنمدینی وجهله مظنون ابراهیمه عطف واسناد اولنان
امینتی سوء استعمال جرمی مدعی شخصی طرفندن ری ایدلمک اوزره کندوسنه تودیع ایدیلان قیونلردن
اون عددینک تسلیم ایدلمیه رک کتم اولنمش تشکیل ایتکده وبوکا قارشو مظنون مرقوم دخی مذکور قیونلرک
کندوسنه تودیع ایدلدیکی قبول و اقرار ایتکده برابر یونلرک تماماً مدعی شخصی به تسلیم ایدلمش اولدینگی
اثبات ایدہ جکنی اثنای محاکمه استینافیه ده درمیان ایتش اولسنه نظراً محکمہ استینافیه جه شواهدا ومدافعات
اوزرینه امنیت سوء استعمال جرمک شرائط اساسیہ سنی تشکیل ایدن کتم وانکار ماده سنک موجود اولوب
اولمدینی نظر دقہ آلہرق آکا کوره اتخاذ قرار اولنق لازم کلورکن بوجهته عطف نظر دقت اولنقسزین
اولباده کی حکم ابتدائینک تصدیق اولنمش یولسز وهغیر اصول وقانون اولوب قرار واقعک مغایرت قانونه سنندن

باحث اولان تمیز استدعایه سی محتویاتی دخی بوصورتله وارد وبجا کورنمش ایدوکنندن اصول محاکمات
جزائیہ قانوننک اوچوز اون دردنجی واوچوز اون طقوزنجی ماده لری احکامنه توفیقاً اعلام استینافینک
سبب مذکورہ بناءً تقضیلہ احکام قانونیه دائرہ سنده ایفای معامله اولنق اوزره اوراق متعلقه سنک محکمہ
مذکورہ به اعاده سنه و ایکی یوز غروش اعلام خرجنک تعرفه وتعلیمات مخصوصه سنه توفیقاً ایلروده حقسنر
حیفه جق طرفدن استیفاسنه ۸ مایس ۳۲۶ سنہ تاریخده متفقاً قرار ویرلدی .

شورای دولت مضطرب

شورای دولت مختلف مربع انجمنده صادر اولده ۲۹ خراجی و ۳۲۹ تاریخ مضطرب صورنبر :

« خلاف واقع شهادتنامہ اعطا ایتکده مظنون علیہ اولان هیئت اختیاریه ومختارانی
حقننده کی تحقیقاتک مرجعی حقننده »

خلاف واقع شهادتنامہ اعطا ایتکده مظنون علیہ اولان تیمورچی قصبه سنک کرد اوغلی محله سی هیئت
اختیاریه سی ایلہ مختارانی حقننده لازم الاجرا تحقیقاتک مرجعی خصوصنده چال قضاسی ملکیه وعدلیه
محکمہ لری بیننده تحدث ایدن اختلافک حلنه دائر عدلیه نظارتندن بالتقدیم شورای دولته حواله بیوریلان
۱۰ نیسان سنہ ۳۲۹ تاریخ و طقوز نومرولی تذکره وملفوفلری انجمن اختلافه تودیع اولنمشیلہ شورای
مذکورہ تمیز مدعی عمومیکلکندن یازیلان مطالعہ نامہ ایلہ برابر قرائت ایدلدی .

اداره محکمہ سی اعلامی مألده خلاف واقع شهادتنامہ اعطا ایدن مختار وهیئت اختیاریه دن ماعدا مذکور
شهادتنامہ بی استعمال ایدن احاد ناسدن چیزمه چی عثمان اغانک دخی مظنونیتی آکلشلمسیله مرقومه تبعاً
جمله سنک اجرای محاکمہ لری جهت عدلیه عائد ایدوکی وعدلیه محکمہ سی اعلامی مفادنده ده چیزمه چی
حاجی عثمان اغانک دخی احاد ناسدن اولمدینی هیئت اختیاریه صرہ سنده طاہو علم وخبرینه وضع ایلش
اولدینی مهریلہ ومستنطق قرارنامہ سننده تشکیلات اعضاسی میاننده مظنوناً اسمی مذکور اولقله ثابت
اولدینندن مرقوملرک اجرای محاکمہ لری جهت ملکیه راجع بولندینی وتمیز مدعی عمومیکلکنتک مطالعہ
نامہ سی مؤداسنده ایسه چال قضاسنک نفس تیمورچی قصبه سنندن کوکش اوغلی علی بشه نک وقوع وفاتیله
متروکاتی درت نفر اولادینه عائد ایکن مخدومی صادقندن باشقه وارثی اولمدینندن بحکله انتقال معاملاتنه دائر
حسب الوظیفه تنظیم وتختیم ایلدک لری علم وخبرده چیزمه چی حاجی عثمان اغانک تشکیلات اعضاسی میاننده
اولهرق مهری موضوع اولوب ایشده افرادک اشتراکی اولمدینی جهتله مأمورین ملکیه دن معدود اولان

مختار و هیئت اختیاریه نك ايقاع ایلدکری فعلدن طولانی محاکمه لری جهت ملکیه عائد اولدیغی درمیان قلمشدر .

اقتضای لای المذاکره چال قضاسنک نفس تیمورجی قصبه سندن کوکش اوغلی علی بشه نك اوغلی صادقی یکانه وارث کوستردک انتقال معاملاتنه دائر خلاف واقع شهادتنامه تنظیم ایدن کرد اوغلی محله سی هیئت اختیاریه سی ایله امام و مختاراننک فعلنده مرقوم چیزمه جی اوغلی حاجی عثمان اغاننک مشارکتی بیان و ادعا اولمنسه و مومی الیهک هیئت اختیاریه اعضاسندن اولدیغی بو خصوصه معلومات تامه سی اولسی طبیعی بولان مجلس اداره قرارندن آکلاشلدیغی جهتله مسئله ده احاد ناسدن بریده مدخلدار بولمنسه بناءً مأمورین محاکمه سی نظامنامه سنه تذیل اولنان ۲۵ صفر سنه ۳۰۷ و ۸ تشرین اول سنه ۳۰۵ تاریخی فقره نظامیه موجبجه مرقوم عثمان اغایه تبعاً هیئت اختیاریه نك دخی اجرای محاکمه لری محاکم عدلیه عائد بولندیغندن اصابت قانونیه کوریه میان تمیز مدعی عمومیلکی مطالعه سنک ردی و محکمه عدلیه نك عدم وظیفه قرارینک فسخی ایله تعقیبات قانونیه دوام اولتی اوزره اوراق دعوانک عدلیه نظارتنه ارسالی و داخلیه نظارتنه ده معلومات اعطاسی تذکر اولنه رق اوراق مذکوره لفاً تقدیم قلندی اولبابده .

شورای دولت اختلف مرجع انجمنده صادر اولاره ۲۹ وزیرانه سنه ۳۲۹ تاریخی مضبوط صورتمیر .

« جبراً فعل شنیعه تصدی ایدن پولیس مأموری مصطفی افندی حقنده »

جبراً فعل شنیعه تصدی و وظیفه مأموریتی سوء استعمال ایلدیکی ادعاسیله مظنون علیه اولان پولیس مأموری مصطفی افندی حقنده لازم الاجرا تحقیقاتنک مرجعی خصوصنده چهارشنبه قضاسی ملکیه و عدلیه مستطقلری آره سنده تحدت ایدن اختلافنک حلنده دائر عدلیه نظارتندن بالتقدیم شورای دولته حواله بیوریلان ۲۳ تشرین اول سنه ۳۲۸ تاریخی و بش یوز التمش سکر نومرولی تذکره و ملفوفلری انجمن اختلافه تودیع اولمنسیله شورای مذکوره تمیز مدعی عمومیلکندن یازیلان مطالعه نامه ایله برابر قرائت اولندی . ملکیه مستطقتنک قرارنامه سنده پولیس مأموری مصطفی افندی یه اسناد اولنان جبراً فعل شنیعه تصدی ماده سنده قهوه جی نورینک ده اشتراکی اولمنسیله احاددن اولان مرقومه تبعاً مومی الیهک ده محاکم عمومیه ده اجرای محاکمه لری لازم کله جکی و عدلیه مستطقتنک قرارنامه سنده ده قهوه جی نورینک فعل شنیعه تصدی ماده سنده اشتراکی اکلاشلمش ایسه ده متجاوز علیه طرفندن شکایت شخصیسه اعطاسیله عرض دعواسی اقامه ایدلماش و مواد مشده دن آخذنک کیفیت ایسه صرف مصطفی افدینک وظیفه سندن متولد بر جرم بولنش اولمنسیله اشبو تحقیقاتنک جهت ملکیه جه اجراسی ایجاب ایده جکی و تمیز مدعی عمومیلکندن مطالعه نامه سنده دخی اساس دعوی اخذنک و فعل شنیعه تصدی ماده لری اولوب فعل مذمومه تصدیقه

قهوه جی نورینک اشتراکی و ار ایسه ده بو خصوصه بر ادعای شخصی بولندیغی و اخذنک ماده سنده افراد اهالیدن کورجی احمد و ایکی رفیقنک دخی مدخل و مشارکتلری اولدیغی اکلاشلمسنه نظراً آحاده تبعاً مومی الیهک اجرای محاکمه سی محاکمه مأمورین نظامنامه سنه تذیل قلنان فقره نظامیه موجبجه محاکم عمومیه یه عائد اولدیغی درمیان قلمشدر .

اقتضای لای التأمل : تفصیلات مبسوطه دن ده مومی الیهک مستازم محاکمه جرمنده احاد نائندن مشارکار بولندیغندن و افراد ایله مشترکاً ايقاع جرم ایدن مأمورین محاکمه سنک افراده تبعاً محاکم عدلیه ده رؤیت اولمنسی ۲۵ صفر سنه ۳۱۷ و ۸ تشرین اول سنه ۲۰۵ تاریخنده مأمورین محاکمه سی نظامنامه سنه تذیل اولنان فقره نظامیه ایجابندن بولندیغندن چهارشنبه قضاسی عدلیه مستطقتنک عدم وظیفه یه دائر اولان قرارنامه سنک فسخی ایله محاکم عدلیه جه تعقیبات قانونیه دوام اولتی اوزره اوراق دعوانک عدلیه نظارتنه ارسالی و داخلیه نظارتنه ده معلومات اعطاسی تذکر و اوراق مذکوره لفاً تقدیم قلندی .

شورای دولت اختلف مرجع انجمنده صادر اولاره ۲۹ وزیرانه سنه ۳۲۹ تاریخی مضبوط صورتمیر :

« بروسه ایتم مدیری اسماعیل حقی رمندی احمد افندیلر علیهنده اقامه ایدیلن دعوانک مرجع تحقیق و رؤیتی حقنده »

متوفی مختار افندی زوجیه سی حمیده خانمک ایتم صندوقه بورجی اولان مباغه مقابل مرهون اولوب وعده سی حلونده تأدییه دین ایدلمه سندن ناشی ایتم اداره سنجه فروخت اوانسان بر باب خانه سنک قائمه صورتیله صاتیلدیغی ادعاسیله بروسه ایتم مدیری اسماعیل حقی و رمندی احمد افندیلر علیهنده اقامه ایدیلن دعوانک مرجع تحقیق و رؤیتی حقنده عدلیه ملکیه مستطقلری بیتنده تحدت ایدن اختلافنک حلی ضمننده اوراقنک تقدیمی متضمن داخلیه نظارتنک شورای دولته حواله بیوریلان ۳۱ مارت تاریخی و یوز تمش نومرولو تذکره سی و ملفوفلری انجمن اختلافه تودیع اولمنسیله شورای مذکوره تمیز مدعی عمومیلکندن یازیلان مطالعه نامه ایله برابر قرائت اولندی .

عدلیه مستطقتنک قرارنامه سی مألنده مظنون علیهما ایتم مدیری اسماعیل حقی و رمندی حافظ احمد افندیلر مأمورین دولتن اولدقلری کبی کندیلرینه اسناد اولنان فعلده وظائف مأموره لرینه متعلق بولمنسیله حقارنده لازم کن تحقیقاتنک جهت ملکیه عائد ایدوکی و ملکیه مستطقتنک قرار نامه سنده ده تقاعد و معزولین عائداتی ترک ایتیم اجرتله مستخدمین مأموریندن معدود اوله میه جنی جهتله احاددن معدود بولنان رمندی احمد افندی یه تبعاً ایتم مدیری حقندنک تحقیقاتنک دخی جهت عدلیه یه راجع بولندیغی و تمیز مدعی عمومیلکندن مطالعه نامه سنده دخی اساس ادعا ایتم مدیری اسماعیل حقی افدینک مذکور خانیه اصولی

دائرة سنده مزایده ایتیه رک قیامه طریقله و دون بها ایله احواله ایتک یولنده وظیفه سنی سوء استعمال ایلمی و منادی احمد افندینک دخی خانه نک موقع مزایده ده اولدیغنی محال لازمه ده ندا و اعلان ایله کیفیتدن طالبی خبردار ایتیمی لازم کلیرکن مسامحه و تراخی ایله برمنوال محرر احواله سنه بادی اولمسندن عبارت اوله رق وظیفه مأموریتلرینه تعلق جای بحث اولدیغنی کبی اوراق موجوده ارسنده بولنان خداوندکار ولایتی مرکز ایتم مجلسنک درکنار جوابیسنده منادی احمد افندینک مجلس مذکور قرار ایله رسماً تعیین ایدلمش مکفل مأمور بولدیغنی ممکن اولمسی دخی مومی الیهک صفت مأموره سی حقنده کی اشکالی رفع ایتیمی جهتیه اوراقک جهت ملکیه یه تودیی لازمکه جکی درمیان قلمشدر .

اقتضای لای المذاکره مأمور دائمی یا خودموقت بر خدمت عمومیه ایله مکلف ذات دیمک اولوب موظف ویا فخری اولق و تقاعد و معزولیت عائداتنه تابع بولنوب بولنامق صفت مأموریتک تحقیقده خاثر تأثیر اولماسنه و منادی مومی الیه حافظ احمد افندی خداوندکار مرکزی ایتم مجلسنجه رسماً منادیلک خدمت عمومیه سنه مکفلاً تعیین اوله رق شو حالده مأموریندن معدودیتی جای تردد بولنامسنه و ایتم مدیری اسماعیل حق افندی ده مومی الیه منادی احمد افندی په استناد اولنان فعل وظیفه مأموره لرینه متعلق ایدوکنه بناءً فعل مذکور دن دولای حقلرنده لازمکن تحقیقات و محاکماتک اجرایی ملکیه مستنطق و محکمه لرینه عائد اولدیغندن تمیز مدعی عمومیلکنک مطالعه نامه سنده دخی درمیان اولدیغنی وجهله ملکیه مستنطقنک اصابت قانونیه کوریه میان عدم وظیفه قرارینک فسخیه جهت ملکیه جه امر محاکمه یه دوام اولنق اوزره اوراق دعوانک داخلیه نظارتنه ارسالی وعدلیه نظارتنه ده معلومات اعطاسی تذکر و اوراق مزبوره لفاً تقدیم قلندی اولبابده

انجمن عدلیه مقرانی

انجمن عدلیه دره صادر اولده ۴ خریاره سنه ۳۲۹ تاریخلی و ۵۰ نومردلی قرار صورتیر:

«۱- اشار ملتزمینک دینی حنده»

امور حقوقیه مدیریت بهیه سنک بالاده محرر مطالعه سی قرائت اولندی مطالعه مذکوره وجهله برمدیونک دینندن دولای شخص ثالث نزدنده امانه مودوع بر عینک و یا ذمتده ثابت بر آلاجهنک احتیاطاً حجزی جائز ایهده بو کیفیت نتیجه محاکمه یه قدر مدیونک عین و یا دینی استرداد و استهلاك ایله داین ایچون محل

استیفای احیا ایتهمسی قضدینه مقرون اولوب یوقسه بالذات داین مدیون مقامنه قائم اوله رق مدیونک مطلوباتی تعقیب ایله شخص ثالثک اموال منقوله و غیر منقوله سنک حجز و فروختی طلب ایتیمی جائز اوله میه جغندن اعشار ملتزمینک بورجلری ایچون اهالی قری ذمتده اولوب حجز ایدیلان مطلوبات عشریه سی اهالی مرقومه طرفندن بالرضا دائرة اجرایه تسلیم ایدلیدی صورتده مومی الیهک تقسیط بورجلرینه محسوباً قبول و مطلوبات مذکوره انکار و اعطاسندن امتناع اولدیغنی تقدیرده داینک محکمه یه سوق ایدلمسی لازم کله جکی تذکر قلندی

انجمن عدلیه دره صادر اولده ۲۵ نیسانه سنه ۳۲۹ تاریخلی و ۲۴۴ نومردلی اعلام صورتیر:

«دین ایچون مأمورین دولتک حبسی وظیفه رسمیه لرینی ایفایه مانع اوله جغندن آنلرک حبسندن مصونیتلری موافق حال و مصلحت در»

اعلامات شرعیه اجرا مأموریتک ۲۵ کانون اول سنه ۳۲۸ و امور حقوقیه مدیریت بهیه سنک ۲ کانون ثانی سنه ۳۲۸ تاریخلی مذکره لری مطالعه و تدقیق اولندی شهر اماتی مفتش عمومیلکنندن متقاعد مرادرمزی بک اموال ایتمدن استدانه ایدلیدی مبلغ متراکم نمایی اولان اون ایکی بیک یوز یکریمی آلتی غروشک دفعه تسویه سندن امتناع ایله ضم معاشنک حجزی ایله اکتفا اولنسنی مدافعه بیان ایتسنه و مومی الیهک مقدار دینته مقابل اشیا و املاکی دخی بولنامسنه قارشی اموال ایتم ادانه مأموری طرفندن حبسی طلب اولنقده اولدیغندن و کرچه مهر و نفقه دن و خیرات و میراثه موقوف اموال و نقود ایله اموال ایتمدن طولای محکوم اولوب ایفای دیندن امتناع ایدن مدیونلرک هر حالده حبس اولنه جنی اجرا قانوننک ۳۹ ماده سی علاوه سی اقتضاسندن و ۳۴ ماده ده کی قانوناً حبسندن مصون اولانلر تعینندن مقصد نظر قانونده صراحةً تعیین ایتیموب آنحق بو مصونیتک موظف مأمورین دولت ایله صغیر و معتوه کبی تصرفات قولیه دن ممنوع اولانلر و متولی و وصی و ولی کبی شخصاً مسئول بولنمیانلر اولق لازم کله جکی ارباب حقوقک جمله مطالعاتندن ایهده موظف مأمور اولمایوبده معزولیت و یا تقاعد و قادرو خارجی معاشاتی المقده اولان و باقیه ، رژی ، شمندوفر ، شرکت خیریه کبی مؤسسات مالیه و شرکتلرده مستخدم بولنان مدیونلر حقنده بر قید و مطالعه موجود کورلمه مکده و ایوم خدمت دولته بولنمیان بوکبی مدیونلرک حبسندن مصونیتی حقنده صراحةً مواد قانونیه اولمادجه عکسی قضیه نک تطبیق خصوصنده علاقه دارانجه اصرار ایدلمکده بولدیغندن بحث ایله احوال مماثلده نه وجهله ایفای معامله اولنق لازم کله جکی استیدان ایدلمکده در .

ایجابی لای التامل اجرا قانوننک اوتوز دردنجی ماده سنده قانوناً حبسندن مصون اولانلرک دین ایچون دخی حبس ایدیله میه جکلری محرر اولوب اشو مصونیتک کیملره شامل اولدیغنه دائر بر قید صراحت

موجود اولدیغندن بونک مأمورین حکومت ایله مدیونک ترکسنه واضع الید بولنمیان ورثه و متولی ولی و وصی کی دیندن شخصاً مسئول اولمایان کسانه صغیر و مجنون کی محجورینه شامل اولمی لازم کلوب بالفعل خدمت دولته بولنان مأمورینک حبسی بالطبع وظیفه رسمیه لرینی ایفایه مانع اوله جغندن اموردولی سکتهدار حقوق عامه یی و قایه انلرک حبسدن مصونتیری موافق حال و مصلحت بولنمش ایسه ده بالفعل خدمت دولته بولنمیان مأمورلرده بومحدور و ملاحظه موجود اولدیغندن معزولین و متقاعدین وقادرو خارجری ایله دواژدولتدن معدود اولمیان مؤسسات و شرکتلرده مستخدم مأمورلرک مهر و نفقه واموال ایتام و اوقافده اقتدارلرینی اثباته حاحت اولمقسزین و بونلرک غیرى احوالده علی الاصول اقتدارلری ثابت اولدیغی حالده حبسلری جائز و تأمین حقوقه خادم کورلمش اولدیغندن مأموریت مومی الیایه اولوجهله جواب تسطیری تذکر قلنمش ایسه ده اجرای ایجابی منوط رأى سامی نظارتناهیلریدر .

محکمه تمیز حقوق دائره سنجه تدقیقاتی نتیجه پذیر اولان دعاوی اعلاماتنک لیسته سی

— کچن نسخه دن مابعد —

اوراق نومروسی	اسامی محاکم	تمیز	میز علیه	تاریخ قرار	نوع قرار
۲۱	در سعادت ایکنجی حقوق بکر مصطفی	صالح صبری اغا	۷ نیسان سنه ۳۲۸	تقص	
۱۶۱	شام بدایت	احمد افندی	بهبه خانم	»	»
۲۹	مغله بدایت	زراعت بانکه یی	طلعت افندی	»	»
۱۷۴	ارکوب بدایت	احمد	رابعه خاتون	۸ نیسان سنه ۳۲۸	»
۲۹	ارکوب بدایت	یورکی	حسن افندی	»	تقص
۳۰۱	زور بدایت	طاووز الیاس	شلاش الطویر	»	»
۲۹	شام تجارت	توفیق افندی	خلیل افندی	»	تصدیق
۲۷۴	قره مان بدایت	مصطفی افندی	علی اوسته	»	تقص
۱۹۰	دکزی بدایت	فاطمه خانم	عایشه خانم	»	تصدیق

اوراق نومروسی	اسامی محاکم	تمیز	میز علیه	تاریخ قرار	نوع قرار
۲۹	مرجعین بدایت	لطیفه	عبده	۸ نیسان ۳۲۸	تصدیق
۲۹۷	در سعادت استیناف	صالح افندی	ادیب بك وفاطمه معززخانم	»	»
۲۹	در سعادت استیناف	قدری بك	عطیه عنایت خانم	»	»
۱۹۱	حکاری بدایت	مراد	ابراهیم	»	تقص
۲۷	انقره بدایت	نیکولاکی	انسطاش	»	»
۲۹	ایدین استیناف	محمد علی	محمد عادل افندی	۹	تصدیق
۲۸	پالو بدایت	مرک کشیش	بدروس	»	»
۳۱۷	سلط بدایت	احمد افندی	محمد	»	تقص
۲۹	اطنه استیناف	احمد افندی	درومش	»	»
۲۹	در سعادت ایکنجی حقوق قسطاقی	کیریا کیجه قادین	»	»	»
۲۵۳	ارزنجان بدایت	بغیشه	سوکاس	»	»
۳۱۵	کرک بدایت	علی یونس افندی	فیضیه خانم	»	»
۲۹	ریزه بدایت	سعید و رفقای	طور علی	»	»
۲۸۰	قونیه استیناف	سیمونا کی افندی	یورکی	۹ نیسان سنه ۳۲۸	تقص
۲۹	سیواس استیناف	مالیه خزینه سی	قالوست و خچا طور افندیلر	»	قسماً تصدیق و قسماً تقص
۱۹۹	در سعادت استیناف	محمد امین افندی	مالیه خزینه سی	»	تصدیق
۲۹	ایدین بدایت	مصطفی	حاجی عثمان ذکی افندی	»	»
۳۰۹	جیده بدایت	ایوب	عثمان افندی ورقیه خانم	»	تقص
۲۹	قونیه بدایت	اصادور	حسین افندی	۱۰ نیسان سنه ۳۲۹	تصدیق
۱۳۵	طرزون استیناف	صوسانه قادین	ملتپادی	»	»
۲۹					
۳۱۹					

اوراق نومرویی	اسامی محاکم	ممیز	ممیز علیه	تاریخ قرار	نوع قرار
۲۹ ۴۷	بیروت استیناف	مجدلانی و شرکاسی	مصباح افندی	۱۱ نisan سنه ۳۲۹	نقض
۲۹ ۳۹۳	قوریچای بدایت	اوخالس	احمد	"	"
۲۹ ۳۵۳	ارضروم بدایت	فوزی افندی و عصمت خانم	شکری	"	"
۲۹ ۳۵۶	ارضروم بدایت	اسماخانم و ابراهیم بك	شوقی	"	"
۲۹ ۳۳۱	بوزقیر بدایت	موسی	حاجی مصطفی افندی	"	"
۲۹ ۸۷	دکزی تجارت	حاجی احمد افندی	اغوب و سرکس	"	تصدیق
۲۹ ۳۵۷	بایبورد بدایت	نوری	طورسون	"	نقض
۲۹ ۱۵۱	در سعادت استیناف	فاطمه محبه خانم	اوقاف هایون	"	تصدیق
۲۸ ۳۵۲۱	خریوط بدایت	قاپریل	طروس افندی	۱۳ نisan سنه ۳۲۹	تصدیق
۲۹ ۲۱۷	خداوندکار استیناف	دفتر خاقانی اداره می	حسن اغا	"	نقض
۲۹ ۲۴۸	قرتال بدایت	نیقولا و سائر	ایراقلی	"	"
۲۹ ۲۴۷	بك اوغلی برنجی حقوق	شهر امانتی	علی فواد بك و خرملیبو	"	"
۲۹ ۲۵۵	در سعادت استیناف	احمد جلال الدین پاشا	قره بت تحت برونیان افندی	"	تصدیق
۲۹ ۲۴۳	جانیک تجارت	خلیل افندی	مارقو	"	نقض
			(مابعدی وار)		

قانون غیر منقوله

اموال غیر منقوله نك تصرفه عائد مواد قانونیه دائر تشریحات

— بکن نسخه دن مابعد —

۹ ماده

برکیمسه با سند خاقانی متصرف اولدینی اراضی امیری و موقوفه اوزرنده ابنیه انشا و اشجار غرس ایتدکن صکره بر شخص اول ابنیه و اشجار محله مستحق چیهرق حق تصرفی تین و تحقق ایلدیکی صورتده اول ابنیه و اشجارك قائما قیمتی اول محلك بدلندن زیاده ایسه محل مذکورك قیمتی مستحق چقان شخصه ویردیریلهرك اول محل ابنیه و اشجار صاحبك یدنده ابقا اولنور. و اگر اول محلك قیمتی ابنیه و اشجارك قیمتندن آز ایسه اول ابنیه و اشجارك قائم قیمتی صاحبه ویردیریلهرك ابنیه و اشجار موجوده شخص مستحقه اعطا اولنور.

اسباب موجهه : با سند تصرف اولنمده ایکن بالاستحقاق ضبط اولنان اراضینك قیمتی ابنیه و اشجارك قیمتندن ازید بولندینی تقدیرده اراضی قانوننك اوتوز بشنجی ماده سنده ابنیه و اشجارك مقلوعا قیمتنك ویردیریلهرك کوسترلمکده ایسه اول کیمسه سبب شرعی زعمیه تصرف ایتیش اولدیغندن مقلوعا قیمتنك ویردیرلمسی موافق معدلت کوریلهرمیهرك قائما قیمتنك تسویه ایتدیرلمسی بالتسبیب بوماده قلمه آلمشدر.

شرح : بوماده منکشف اولق ایچون نفس ماده ده کی قیود آتیه نك کاینجی ایضاحی لازم کلور.

۱ — با سند خاقانی.

۲ — اراضی امیری و موقوفه.

۳ — مستحق چیهرق.

۴ — قائما قیمتی ... زیاده ایسه.

۱ — با سند خاقانی : بوعبارده نك معنای فقهیسی مجله نك ۹۰۶ ماده سنده محرراولان سبب شرعی زعمیدر یعنی برکیمسه ، آخردن تفرغ یاخود محلول ظنیه جانب میریدن تفوض و یاخود مورثندن انتقال و یاخود موات ظنیه رقبه سی بیت الماله عائد اولق اوزره اذن سلطانی ایله احباکی اسباب تصرفدن بر سبب ایله یدنده

معمول به سند خاقانی بولندینی حالدہ متصرف اولدینی اراضیسی اوزرنده ابنیه یا اشجار احداث یا غرس ایلدکن صکره بر شخص ظهور ایدوب اول ابنیه و اشجارک محله مستحق چیقهرق اول محلدہ حق تصرفی تبین و تحقق ایلدیکی تقدیرده ابنیه و اشجارک قائماً یعنی ابنیه و اشجارک بولندقلری یرده طورمق اوزره قیمتی اول محلاک قیمتندن زیاده ایسه محل مذکورک قیمت حقیقیه سی مستحق چیقان شخیصه و یردپرله رک اول محل ابنیه و اشجار صاحبک یدنده ابقا اولنور . زیرا ضرر اشد ، ضرر اخف ایله ازاله ایدیلور .

بوماده ده « قائماً قیمتی » دینلیور .

غیرک متصرف اولدینی اراضیده ابنیه انشا یا خود اشجار غرس ایدهنک بومحدثاتی اوراده ابقا ایتک حقنه مالک اولدیغنه و قائماً قیمت ایسه مجلهنک ۹۱۸ ماده سنده دخی ذکر اولندینی اوزره ارضده حق ابقا موجود اولان احوالده نظر اعتباره آنسی لازم کله جکنه و سبب شرعی زعمیله انشا و احداث ایتسی قائماً قیمتک نظر اعتباره آنسی ایجاب ایتدیرمیه جکنه کوره « قائماً قیمت » تعبیری موافق کورو نیور بومثلاً مواضعده موافق اولان « مستحق القلع » قیمتدر .

قیمت مذکوره ارضک رقبه سنه مقابل اولیوب حق تصرفه بدل اولدیغندن مستحق چیقان شخص بونکله یعنی بروجه مشروح بدل و یرمکله ارضک رقبه سنه مالک اوله میوب کالاول آنده مستأجر اولور . واقعا اراضی امیریده حق تصرف ، حق شفعه کی حقوق مجرده دن اوله رق آندن اعتیاضک جوازنده بین الفقها اختلاف واقع یعنی بعض فقها اعتیاضک جوازینه و دیگر بعض فقها اعتیاضک عدم جوازینه قائل اولمش ایسه ده بو ماده ده اعتیاضک جوازینه دائر اولان قول فقها قبول و ترجیح ایدلمشدر .

بو فقره ده درت احتمال وارددر .

۱ — طرفین اول محلاک بیعنده یعنی اراضی متصرفی و مستحق اول اراضی بی ابنیه یا اشجار صاحبنه فراغه و ابنیه و اشجار صاحبک دخی اول محلی تفرغه متفق اولملریدر .

۲ — طرفینک قلع و رفعه متفق اولملریدر .

بو ایکی صورتده رضای طرفین حاصل اولمش و حق کندیله رینه عائد بولمش اولدیغندن و هیچ برکسنه یه برکونه ضرب بولندیغندن بو ایکی صورتده شایان مباحثه هیچ بر جهت یوقدر . و حتی قیمتک اقل یا اکثر اولسی جهتی دخی نظر اعتباره آنغه لایق دکلددر .

۳ — ابنیه و اشجار صاحبی اول محلی بدل مثلی ایله تفرغ ایتک ایستدیکی حالدہ مستحق فراغ ایتمکدن امتناع ایتسیدر . بو صورتده متصرف و مستحق امتناعنه باقمیوب رضای اولسه دخی اول محلاک ابنیه و اشجار صاحبنه فراغ اولنسی لازم کلور . ماده قانونیه ده بیان اولنان صورت ، بودر .

۴ — مستحق ، ارضی ابنیه و اشجار صاحبنه فراغ ایتک ایستدیکی حالدہ ابنیه و اشجار صاحبک تفرغ ایتمکدن بالامتناع ابنیه و اشجارینی رفع و قلع ایله جکنی بیان ایتسیدر . بو صورتده یعنی ابنیه و اشجار صاحبک

ارضی تصرفه کچورمک بوماده قانونیه موجبجه حق واریکن بو حقنی استعمال ایتیبوده ابنیه یا اشجارینی قلع ایدرک ارضی صاحبنه رد و اعاده ایتکله راضی اولدینی صورتده نظر اولنور .

حاکم مرافعه یی اکمال ایدرک ابنیه یا اشجار صاحبک طلب و ادعای اوزرینه ارضک بدلنی بالاعطا ارضی تصرفه کچورمسی حقنده حکم و قرار و یرمش ایسه بوندن صکره ابنیه یا اشجار صاحبی ارضی مستحقه رد ایدمه میوب بر موجب قرار بدلنی مستحقه و یرمسی لازم کلور . زیرا حاکم بروجه مشروح حکم ایدنجه مستحق ارضدن حق منقطع اوله رق حکم واقع ایله ارض ، ابنیه و اشجار صاحبک تصرفه کچمشدر .

بناء علیه حکم مذکورک لحوقدن صکره ابنیه یا اشجار صاحبی ابنیه یا اشجارینی بالقلع ارضی مستحقه رد و اعاده ایتک ایستسه بیله بوکا مقتدر اوله ماز . هر حالده محکوم اولدینی ارضک بدلنی و یرمسی لازم کلور . مکرکه او ، علی الاصول مستحقه فارغ اوله و مستحق دخی تفرغ ایده .

حاکم بروجه مشروح حکمندن اول ابنیه یا اشجار صاحبی ابنیه یا اشجارینی قلع و هدم ایدرک ارضی اعاده ایتک ایستدکده هر تقدیر ابنیه یا اشجار صاحبی ابنیه یا اشجارینی هدم ایتک صورتیه اموالی اضااعه ایده جکندن حلال دکله ده کندی مالی کندیسی اضااعه ایده جک اولنجه حاکم حکما و جبراً منع ایدمه جکی جهته حاکم حکمی تعجیل ایتیبو ابنیه یا اشجار صاحبی امهال ایدر . بونک اوزرینه ابنیه سنی هدم یا اشجارینی قلع ایدرسه حاکمه ارضی آنسی لازم کله جکنی مستحقه بیان ایلر . یعنی حاکم ابنیه یا اشجار صاحبنه مادامکه ابنیه یا اشجاری هدم ایتک ایستورسین هدم ایت دیهرک اضااعه و انلاف ماله معین اوله ماز .

یعنی ابنیه یا اشجار صاحبک بولنلرک بولندقلری محلی تملک و تفرغ ایتسندن ایکی شرط وارددر . شرط اول ، ابنیه یا اشجارک قیمتی ارضک قیمتندن زیاده اولمقددر . بو وجهله ابنیه یا اشجارک قیمتی ارضک قیمتندن زیاده اولنجه ارضدن مستحقک حق منقطع و زائل و آنک حق بدله منقلب اولور .

شرط ثانی ، ابنیه انشایی یا آغاج غرسی اول ارض کندیسنک تحت تصرفده بولنسنی مثبت سبب شرعی اوزرینه مبتنی بولنمقددر .

بناءً علیه شرط اول بولنسه بونک حکمی فقره آتیده ده بیان اولندینی کی شرط ثانی بولنسه بونک حکمی دخی بو قانونک اون برنجی ماده سنده مذکور بولنمشدر .

۲ — اراضی امیرییه و موقوفه : بو تعبیر اراضی مملوکه ایله اراضی موقوفه صحیحهدن احتراز ایتچونددر . اراضی مملوکه اوزرنده ابنیه انشا یا خود آغاج غرس اولندقدن صکره بر مستحق ظهور ایتسه بوکا دائر تفصیلات مجلهنک ۹۰۶ ماده سیله شرحزده منصلاً مذکوردر .

۳ — مستحق چیقهرق : قانوندن مستفاد اولدینی بونده کی استحقاقدن مقصود ناقل تصرف اولان استحقاقدر .

اما ناقل ملکیت اولان استحقاقده حکم بوجه مشروح ایسه ده بومسئله تفصیلاتیه آنفا ذکر اولدینی اوزره مجله نك ۹۰۶ ماده سنده مذکوردر . یعنی بریمه کسه با سند خاقانی تصرفنده بولنان ارضه ابنیه انشا یاخود آغاچ غرس ایتدکدن صکره دیگر کمنه چیقوبده مذکور ارض کنندی مالی و ملک اولدینی ادا واثبات ایتسه مجله نك ۹۰۶ ماده سی شرحی موجبجه عمل اولنور . لکن مبطل تصرف و ملکیت اولان استحقاقده بو ماده نك یا مجله نك سالف الذکر ۹۰۶ ماده سنک حکمی جاری اوله ماز . شویله که برکیمسه نك با سند خاقانی متصرف اولدینی اراضیده اول کیمسه ابنیه انشا یا آغاچ غرس ایتدکدن صکره دیگر کمنه چیقوبده مذکور اراضی اوقاف صحیحهدن و کنندیسی متولیس اولدینی ادا و اثبات ایتسه اول ابنیه یا اشجارک قیمتی اراضیدن زیاده اولسه بیله اول کیمسه ارضک بدلنی ویره رک ارضی ضبط ایده من . زیرا بومعامله ایله ارض ، ابنیه یا اشجار صاحبک تملکنه کچورلمش اولور . حالبوکه وقف ، تملکه محل دکلدر . وقفک تملیک و تملکی باطلدر .

تفصیلات سالفه ایله اوچ نوع استحقاقک احکامی بیان ایدلمش اولور .

اولاً ، ناقل تصرف اولان استحقاق .

ثانیاً ، ناقل ملکیت اولان استحقاق .

ثالثاً ، مبطل ملکیت و تصرف اولان استحقاق .

۴ — قائماً قیمتی . . زیاده ایسه : قائماً قیمت ، ابنیه یا اشجارک بولندقلری یرده طور مق اوزره قیمتلریدر که ارض بر کره ابنیه یا اشجار ایله برابر و بر کره ابنیه یا اشجاردن خالی اوله رق تقویم اولنوب ایکی قیمت بیننده کی تفاضل و تفاوت نه ایسه ابنیه یا اشجارک قائماً قیمتی اولور .

برده مقلوعاً و مستحق القلع اوله رق قیمت وارددر .

مقلوعاً قیمت ، یعدالقلع ابنیه انقاضنک و اشجار مقلوعه نك قیمتلریدر . و مستحق القلع اوله رق قیمت دخی مقلوعاً قیمتدن اجرت قلع لدی التزیل باقی اولان قیمتدر .

بو تقدیرده قائماً قیمت الک زیاده و مستحق القلع قیمت الک آز و مقلوعاً قیمت بوایکی قیمت بیننده متوسط بولنان قیمتدر .

بوماده قانون اراضینک ۳۵ ماده سی مقامنه قائمدر . مذکور ماده ده ابنیه یا اشجارک مقلوعاً قیمتی اول محلاک قیمتندن زیاده ایسه دنیلمش و بناءً علیه مقلوعاً قیمت نظر اعتباره آلمشدر . بوماده ده قائماً قیمت دنیلهرک الک زیاده قیمت ملاحظه اولمشدر . عجبا سبی نه در و هانکیسی عدالته ده موافقدر ؟ بوکا دائر یوقاریده بحث کچمشدر .

بو ماده نك فقره اولاسنک تشریح و ایضاحی اکمال ایدلدی .

شمدی نوبت تشریح فقره ثانیه سنه کلدی .

واکراول محلاک قیمتی ابنیه یا اشجارک قائماً قیمتندن ازید ایسه اول ابنیه و اشجارک قائماً قیمتی صاحبنه ویردیرلهرک ابنیه و اشجار موجوده شخص مستحقه اعطا قلنور . بو فقره ده دخی درت احتمال وارددر .

۱ — مستحق ایله ابنیه صاحبی بو معامله ده متفق بولنلریدر .

بو تقدیرده مستحق ابنیه نك مشتریسی و بانی و غارس دخی ابنیه نك بایی اولدینی جهته رضای طرفین ایله دیلدکلری بدل ایله بیع و شرا ایده بیلورلر .

۲ — طرفین ابنیه یا اشجارک قاعیله ارضک تخلیه سنده متفق بولنلریدر .

بو تقدیرده کمنه نك مداخله سنه محل اولیوب بو وجهه متفق اولدقلری تقدیرده بومعامله یی یابه بیلورلر . سؤال — بو قانون بشنجی ماده ده بو ابنیه و اشجاری ارضه نابع قلمشدر . بناءً علیه قانون بوفقره ده ابنیه و اشجارک قیمتی صاحبنه ویردیرلهرک بیان ایتمکه ابنیه یا اشجارک قلع ایدلمسی صورتیه بیت مالک ضرردن وقایه سنی امر ایدیور . بوملاحظه یه کوره قلعک عدم جوازی لازم کلور .

جواب — قانون ینه مذکور ماده ده ابنیه نك هدمنه و اشجارک قلعه مساعدده ایدیور .

۳ — بانی و غارس ابنیه و اشجاری مستحقه صائمق ایستدیکی حالده مستحق مرقوم آلمقدن امتناع ایتسیدر . قانونده بیان اولنان بواحتمالکدر . قانون ، بونکه بانی و غارسی مهمامکن ضرردن وقایه ایلشدر .

۴ — مستحق ابنیه و اشجاری آلمق ایستدیکی حالده بانی و غارس صائمقدن بالامتناع قلع و هدمه راضی اولمشیدر . بوحالده بانی و غارسه هدم و قلعه مساعدده ایدلیوب رضاسنه باقلمقسزین قیمتیه مستحقه اعطا اولنق لازم کلر . زیرا بو فقره قانونیه بانی و غارسی ضرردن وقایه ایچون اوله رق بانی و غارس کنندی ضررینه راضی اولنجه اجباره محل اولیوب بناءً علیه بانی و غارس بونلری قلع و هدم ایده بیلور .

قانونده ابنیه و اشجارک قیمتی اول محلاک قیمتندن زیاده یا نقصان اولسی صورتلرنده کی حکمی بیان ایش ایسه ده قیمتلرینک تساویسی تقدیرنده کی حکمی بیان ایتدیکندن تکمیلالمسئله بونکده بیانی لازم کلور .

ابنیه یا اشجارک قیمتیه ارضک قیمتی مساوی اولدینی تقدیرده طرفین برشی اوزرینه اتفاق ایدرلرایسه مقصود حاصل اولور . یعنی یا ارضک بانی و غارسه فراغه یاخود ابنیه یا اشجارک متصرف ارضه بیعنه اتفاق ایتدکلری تقدیرده اولوجه یه یایلمق لازم کلور . اتفاق ایده مدکلری تقدیرده اراضی و ابنیه یا اشجار بر شخص آخره فراغ و بیع اوله رق بدلنی ینلرنده سوياً تقسیم اولنور . زیرا بو تقدیرده طرفیندن برینک دیگرینه عائد اولان مالی تفرغ و تملک ایتمکه حق ویرلمکده ترجیح بلا مرجح لازم کلور . بوایه موافق عدالت و مساوات دکلدر .

ماده ١٠

برکیمسه نك متصرف اولديني اراضي اميريه وموقوفه آخري مداخله وتجاوز و آندن انتفاع ايدمهز .
وخداي نابت حاصلاتي احراز وتملك ايليه مز . حق مروري يوقايسه كچه مز . وخرمن يابه ماز . وخرق
احداث ايليه مز . ايلديكي صورتده ضرريني ضامن اولور .
وكذلك اورمان و پرناللق محللري آچوب ترلا اتخاذ ايدمهز . واشجاري احتطاب وقلع ايليه مز .
و آشيله يه مز . بونلري ياپار ايسه اشجارك قائماً قيمتلريني متصرفه تضمينه مجبور اولور . و آشي فايزلريني
آشيلانديني محلدن قطع و ضرريني تضمين ويا آشيلارك بدلتي ويرهك تملك ايليكه اراضي متصرفك صلاحيتي واردر .
اسباب موجب : فضولي تجاوز و تصرف و مرورك منعه دائر اوله رق اراضي قانونسك اون اوچنچي
و اون دردنجي ماده لريله يكرمي آلتنجي و يكرمي يدنجي ماده لرنده مندرج احكام تعديلات مناسبه ايله
برلشديريلاهرك اشيو ماده ترتيب قلمشدر .

شرح : يعني اراضي متصرفي حق تصرفده اميندر . كسنه طرفندن هيچ بر صورتله مداخله اولنه ميه چي
كي حكومت جانبندن دخي تعرض اولنه ماز . شوقدر كه منافع عامه ايچون لزوم كورنديكي تقديرده استملاك
قانوننه توفيقاً استملاك ايديلهرك و بدلي پشين اولق اوزره تأديه اولنه رق يندن نزع اولنه بيلور .
بناء عليه بر كيمسه نك متصرف اولديني اراضي اميريه وموقوفه شخص آخر خصوصيات آتیه ايله
مداخله دن ممنوعدر .

اولاً ، مداخله ايدمهز . يعني زراعت ايتيه وشو صورتله انتفاع ايله بو وجهله انتفاع ايت دنيله مز . قانونك
بشنجي ماده سنده تعيين ايدليكجي وجهله انتفاعده متصرفي سربستدر .
ثانياً ، تجاوز ايدمهز . يعني بر كيمسه نك باسند خاقاني متصرف اولديني اراضي اميريه وموقوفه نك
كليسه يابر قسم جزئيسنه ديكر كسنه وضع يد ايليه مز . ايدجك اولسه حكومت ملكيه طرفندن استرداد
اولنه رق سند خاقاني صاحبه رد واعاده اولنور . وتجاوز ايدن كيمسه تجاوز واقعه ده بحق اولديني ادعا
ايدجك اولسه محكمه يه مراجعت ايلسي لازم كلور .

اموال غير منقوله نك تصرفندن متحدث اختلافاتك قسمماً اداره حلي حقنده ٢٤ كانون ثاني سنه ١٣٢٧
تاريخنده اراده سنه ايله اصول اتخاذ اولنديني كي اخيرا شوراي دولته بواراده سنه نك صور تطبيقه سني
مبين تعليمات دخي يابيلمش اولمغله تيمماً للفائده بوجه زير نقل ومهم اولان بعض جهتلرك توضيح وتشرېحه
ابتدار اولنور .

اموال غير منقوله تصرفندن متحدث اختلافاتك اداره حلنه دائر و صورتق زيرده منقول قرار اختلافندن
طولاي اكثر يا كسب وخامت ايدن منازعه نك ابتدای امرده منعي وجهله وظائف حكومتدن اولان حقوق
تصرفيه نك وثائق رسميه ايله حقلی كوريلن طرف ايچون تأمینی ضمنتده اتخاذ ايدلمش بر قرار اداريدن

عبارت اولمغله منع تجاوز يولنده مجلس اداره جه اتخاذ اولنه حق قراره قناعت ايتيان طرف هر زمان محكمه
نظاميه مراجعتله طلب حق ايدم بيلير . و محكمه دن صدور ايدوب كسب قطعيت ايدن اعلانات ايله قرار
اداري حكمنسز قالير .

قرار

اموال غير منقوله تصرفنده اختلاف تحداث ايدر ايله طرفينك ينده تصرف سندی موجود اولديني
تقديرده مؤخر تاريخلي سندده اولكي سند صاحبنندن فراغ ويا انتقال صورتيله تصرف ايدليكجي مصرح دكليه
اولكي سند صاحبنك وعكس تقديرده ديكرينك متصرف عد ايدلمسي [شرح : فراغ و انتقال وقوعنده
اسكي سندك استرداديله اوراق مياننده حفظ ايللري دفتر خاقاني اداره لري مجبوردر . بو صورتله معامله
يا بيه رق حدوث منازعه يه سبب اولدقلى جهته بونلر كده مسئل ايدملري موافق عدالت اولور . برده
مؤخر تاريخلي سندده انتقال صورتيله تصرف ايدليكجي مصرح اولنجه اولكي سند صاحبي منتقل منه اولمسي
منصور اوله ماز . زيرا او ، وفات ايتمشدر . اولكي سند صاحبي منتقل منهن غيري بر اجنبي دخي
اوله ماز . چونكه بوسند او اجنبي ايچون مدار استناد تشكيل ايليه مز . بو صورتده وفات ايدن منتقل منه
ناميله بر كيمسه سند خاقاني ابراز ايله برابر كنديسي دخي اصحاب انتقالدن ايكن كتم ايدليكجي يا خود درجه
مقدم اصحاب انتقالدن اولديني حالده كتم ايديلهرك من حيث الدرجه مؤخر اولانه ويرلديكجي باليان معارضه
ايدور ديمك اوله حق [و طرف مقابلك محكمه يه مراجعت ايتسي [شرح : يعني اداره صور مشروحه
دائرة سنده حل مسئله ايداسي موقتاً قطع نزاع مقصدينه معطوف تدبير موقتدن عبارتدر . يوقسه ديكر
طرفك حقسز لغنه حكم ويرمك دكلدر . زيرا قانون اساسيله اصول محاكمه حقوقيه قانوني موجبجه بو حق
وصلاحت منحصر ا محاكمه عائددر . مجالس اداره كي سائر دوائر حكومتدن بو حق ووظيفه مرفوعدر [
ويا لكز بر طرفده سند موجود ايسه سنده اعتبار اولنه رق منازعه لي محلك صاحب سند ينده ابقاسيله
طرف آخرك دعوا ده مختار بر اقلمسي و طرفينك ينده سند موجود اولمديني تقديرده [شرح : مناسب
اولان قيود خاقاني يه مراجعت ايديلهرك طرفين منازعيندن هانكيسنك نامه يامورثك اسمنه مقيد ايسه
اونك وقيد دخي موجود اولمديني حالده [محل منازع فيك ويركوسني تأديه ايتكمده اولان طرفك واضع
ايد عدليه ديكر طرفك اقامه دعوايه دعوت اولمسي [شرح : واقعا وضع يد مجرد ويركو تأديه سيله
اوله ماز . مجله نك ١٦٧٩ ماده سنده بيان اولنديني اوزره بر عينه بالفعل وضع يد ايدن يا خود تصرف
ملاك ايله تصرفي ثابت اولان كيمسه واضع ايددر . ويركوي ويرمك بالفعل وضع يد اولمديني بديهي
اولديني كي تصرف ملك ايله تصرفدن دخي معدود اولمديني آشكار اولمغله برابر وضع يدك ثبوتى شهادت
ايله اوله بيلوب استماع شهود ايسه منحصر ا محاكمه عائد وظائفنددر . فقط بونده كي وضع يددن مقصد ، مدعي

ايله مدعى عليهك تفریقنه وینهك صورت ترجیحنه مدار اولان وضع ید حقیق وقانونی دكلدر ، مقصود ،
قرائن وامارات موجوده ايله موقت وضع یدك میدانہ اخراجيله آكا كوره قرار ادارى ني اتخاذ ایدلسنى
تأمیندر . بو صورتده مجلس اداره جه برکیمسه واضع ایدعد ایدلمش اولسیله محکمه اوکیمسه نی قانونی
واضع ایدی طانیه من [خصوصنك اصول اتخاذيله بوقیل اختلافاتك مجالس اداره جه بالتدقیق بواصوله
توفیقاً حل ایدلسى حقنده مقدما اتخاذ اولنان قرار بر مدت موقع اجرایه قوندقدن صکره سا ۱ نیشان
۱۳۲۶ تاریخی تبلیغات عمومیه ايله سنه سی ایچنده ظهور ایلان اختلافاته حصر اولمش و اخیر آقید مذکورک
رفعيله قرار سابقك بلا تقیید موقع اجرایه وضعنه مجلس وكلا قراريله سا ۲۴ كانون ثانی ۱۳۳۷ سنه تاریخی
تلغرافنامه ايله بالعموم ولايات والویه غیر ملحقه یه تبلیغ ایدلمشدر .

ماده ۱ املاك واراضيسنه فضولا تجاوز ومداخله وقوعندن بجله اداره منعی برکیمسه طرفندن
استدعا اولندقدن مجلس اداره جه تعیین اولنه حق کونده مدعى ومدعى عليه حضور مجلسه جلب اولنه حق
و طرفیندن برینك بلاعذر شرعى دعوتہ اجابت ایتدیكى اصولا تحقق ایتدکجه يالکز بر طرفك مدعیات
و وثائقی اوزرینه اتخاذ قرار اولنه میوب يوم آخره بالتعلیق اجابت ایدن طرفه تفهیم و کلیان طرفه ده تبلیغ
ایدیله جکدر .

شرح : صورت جلب ورقه رسمیه ايله اولسی لازم کلور . یعنی مجلس اداره طرفینه کله جکلری کون
وساعتی مین برر مذکره تنظیم ايله طرفینه ارسال ایدر . و طرفینه بومذکره نك تبلیغ اولندیغی مین
بر قطعه مقبوض علم و خبری اخذ اولنور . و يوم معینده هانکی طرف کلز و کلامسی بر عذرده مستند اولدیغه
دائر راپور و یا محله و یا قریه علم و خبری کبی بر ورقه کوندنرمن ایسه بلاعذر کلدیکنه حکم اولنه رق کلان
طرفك ابراز ایدجکی اوراق و وثائق اوزرینه قرار اتخاذ اولنور . و اشبو قرار همان دیگر طرفه تبلیغ
اولندقدن صکره بوقراره اعتراض ایدر سه تکرار تدقیق اولنور . و الاقرار واقع انفاذ ایدیلور :

ماده ۲ يوم معینده تشکیل طرفین اولنه رق مدعى ومدعى عليهك ادعا ومدافعه لری استماع و وثائقی
تدقیق اولندقدن صکره سالف الذکر قرار وجهله اختلاف حل اولنه جقدر .

[شرح : بواختلافك حله مدار مستقل بالاده ذکر اولندیغی اوزره اوراق و وثائق رسمیه در . فقط
طرفیندن بری حقسنز لغنی اقرار واعتراف ایدر سه بودخی مدار حل اولور . لکن بواقرارك مقررہ امضا
ایتدیرلسی لازم کلور . بویولده مقررده امضا آلمدن مجلس اداره شو یولده اقرار واقع اولدی دیه قرار
اتخاذ ایدر من . زیرا اقرارك وجوه صحتی تدقیق ایدر ك مدار الزام ماهیتده اولوب اولدیغه قرار و یرمك
محکمه یه عائد وظائفنددر .

بوصورتده مجلس اداره منکره قارشو شهود استماع ایدمیه جکی کبی منکره یمین و یرمك حقنه دخی
دخی مالک دكلدر :]

ماده ۳ اموال غیر منقوله تصرفندن متحدث اختلافاتك اداره حلی حقنده کی قرار بلا تقیید جریان
ایدجکنه کوره مبدأ منازعه نه قدر اسکی اولور ایسه اولسون مجلس اداره نك منع تجاوزله حل اختلافه
صلاحیتی درکار ایسه ده مرور زمان و حق قرار کی احکام قانونیه نك محافظه مرعیتی مقتضی اولدیغندن
تجاوز تاریخیله مراجعت تاریخی آره سنده یکن زمان منازغ فیهك نوعنه کوره مرور زمان [شرح : اراضی
امیریہ و موقوفه نك تصرفنده اون سنه و املاك صرفه ايله مسقفات و مستغلات و قفیه نك تصرفنده اون بش
سنه] و حق قرار [شرح : اراضی امیریہ و موقوفه یه مخصوص و املاك صرفه ايله مسقفات و مستغلات و قفیه ده
غیر جاری اولوب اون سنه در] مدت لرینی تجاوز ایدیور سه مجالس اداره جه بومدت ظرفنده مراجعت ایتمه سی
سبی اول امرده مدعیندن صوريله حق و بلا سبب مقبول [شرح : سبب مقبول مدت سفر بعید مسافه ده بولنق
و صغر و جنون و عته کبی شیلدر . سبب غیر مقبوله خصمك خاطرینه مراعات یارته و مأموریتنه حرمت
کبی اسبابدر] مراجعت ایتدیكى آکلاشیلور ایسه دعواسی رد ایدیله جکدر .

[شرح : مدعینك دعواسی بروجه مشروح مجلس اداره جه رد ایدلسیله او مدعینك محکمه یه بالمراجعه
اقامه دعوی ایتك حقنی اسقاط ایدر من . و مدعى محکمه جه مراجعتله اقامه دعوی ایتدکده مدعى عليهك اهنده اداره
اتخاذ اولنان قرار محکمه جه مدعینك حقسنز لغنه سبب اتخاذ اولنه ماز . محکمه دعوائی رأساً تحقیق و مجدداً
برقراره ربط ایتکجه مجبوردر .

مرور زمانك وقوعی و حق قرارك ثبوتی اموال غیر منقوله اوزرینه بالفعل وضع ید و تصرفك مرور
زمان و حق قرار حدینه بالغ اولدیغنك ثبوت و تحققنه وابسته در . یوقسه بر طرفدن ابراز ایدیلان سندك
تاریخیله تاریخ مراجعت آره سنده کی مدت نظر اعتباره آله ماز .

بو ثبوت و تحقق دخی شهادت شرعیه یا اقرار خصم یا خود نکول عن الیمین ايله اولور .
شهادتك صورت اداسی و دعوا یه موافقتی و ترکیه سی مجله ده کی مسائل مخصوصه یه توفیقاً اجراسیله
اسباب ثبوتیه دن عد اولنه ییله جکی کبی یمینك صورت اداسی و تکلیفی و یمین صورتك قرار لشیدیرلسی
بر طاقم مسائله متوقف اولدیغه و بونلرک مجالس اداره ده حسن صورته اجراسی غیر قابل اولمغه برابر
صراحت قانونیه وجهله محل اجراسی دخی محکمه بولندیغه مبنی بونلرک مجالس مذکورده ایفاسی غیر جائزدر .
بناءً علیه مرور زمان و حق قرارك ثبوتی آنجق اقرار خصم ايله اوله ییلور . بویله اقرار واقع اولنجه
مجلس اداره ده اقرار واقع مقررک امضاسیله توثیق ایدلدکن صکره اقتضاییدن قرار ادارى اتخاذ اولمیدر .]
مدت مذکورده ظرفنده مراجعت ایتمه سی اعذار شرعیه دن برینه مستند اولدیغنی یا خود تحریری
مراجعتی وقوع بولدیغنی حالده نظر اعتباره آلمندیغنی اثبات ایدر سه بو ادعاسی مجلس اداره جه تدقیق اولنور .

ماده ۴ منازع فیه ترلا اولوبده متجاوز طرفندن زرع ایدیله رك محصولی بلیرمش اولدیغنی حالده
قرار ادارینك اجراسی محصولك ادرا کنه قدر بالتأخیر حصادی متعاقب انفاذ ایدیلر .

۱ شرح: یعنی منازع فیہ ترلانک متجاوز طرفدن زرع ایدلمش اولمسی حالاً اتخاذ قراره مانع تشکیل ایتز. یالکز اتخاذ اولنان قرار، محصولک ادرارکنه دکین انفاذ اولنه ماز. زیرا بونک انفاذی ترلانک رد و اعاده سیله اوله بیلوب اعاده ایسه ترلانک اکیندن تخلیه سی یعنی محصولک رفع و قلعیه ممکن اولور. محصولک قلعیه اتلافی متجاوزه خسار اولدقدن بشقه بیت الماله عائد عشرک دخی اتلافه مؤدی اوله جغندن و مدت قلیله ده متجاوزک یدنده ابقاسنده دیگر طرفه مهم برضرری موجب اوله مامغله برابر بوقانونک ۱۴ نجی ماده سی موجب حقیقی صاحب حقیقی متجاوزدن اجر مثل دخی آلابیله جکندن قرار واقعک انفاذی تأخیر ایدلمک لازم کلور.

بوماده ده زرع بلیرمش ایسه دیه تقیید ایدلیدیکندن محصول بلیرمه مش یعنی تخم حالنده بولنش اولسه بونک حکمی نصیل اولدینی بوتعلیما تندن منظم اولیور. قانون اراضینک الیوم مفسوخ اولیان بر ماده سی موجب حقیقی بو وجهله برکیمسه دیگرینک اراضیسی زرع ایدوبده مزروع هنوز ثابت اولینجه ترلا صاحبی زراعه تخمک مثلی ویره رک مزروعی تملک ایتک حقنه مالک ایسه ده بو وجهله اتخاذ اولنان قرار مبادلّه مالییه جبر معناسنده اولوب بو ایسه صرف محکمه یه و حاکمه عائد و ظائفدن اولغله مجلس اداره جه بروجه مشروح قرار اتخاذی جائز دکلدر.

بو صورتده بر مدت تربص ایدیلهرک محصول بلیردکن صکره بوماده وجهله قرار ویرلمسی موافق و صراحتیه مطابق اولور.

اکنک بلیرمش اولدینی صورتده بوماده وجهله قرار اتخاذ اولندقدن صکره مدعی محکمه یه مراجعتله قوانین حقوقیه مطابق صورتده قرار ویرلمسی طلب ایدیلور. محکمه نک دخی بوباده بر قرار ویرلمسی لازم کلور. مجلس اداره نک امهال قراری محکمه نک قرارینه مانع تشکیل ایدمه جکی کبی محکمه بوتعلیما نظر اعتباره آله رق بوکا بنای حکم ایدمه مز. زیرا محکمه قوانین و نظامات ایله فصل دعوایه مأمور اولوب اراده سینه یه اقتران ایتیان مقررات اداریه و تعلیمات محاکمه مدار استناد اوله ماز. ۱

ماده: ۵ فضولاً تجاوزی تحقیق ایدن کیمسه طرفدن اراضی اوزرینه خانه و دکرمن (آغیل، بکچی کلبه سی مثلو قیمتی محدود مبانی مستشادر) کبی بنا انشا اولدینی یاخود مسقفاته شکل و قیمتی تغییر ایدمه حک علاوات اجرا قلندینی آکلاشیلر ایسه منع تجاوزی متضمن قرار اعطاسی جائز اوله میوب محاکم نظامیه مراجعت لزومی مدعی یه تفهیم اولنور.

۱ شرح: نته کیم متجاوز طرفدن باغ و باغچه احداث اولدینی آکلاشیلورسه بونک دخی اداره حلی جائز اولیوب محکمه جه حل و فصل ایدلمک لازم کلور. زیرا بونک صورت حلنده مجله نک ۹۰۶ ماده سیله اموال غیر منقوله نک تصرفی حقنده کی قانونک طقوزنجی واون برنجی ماده لری کبی بر طاقم احکام قانونیه نظر اعتباره آلمق و آکا کوره اجرای محاکمات لابد اولوب بو ایسه محاکمه عائد و ظائفدندر.

بو تعلیما تده محاکم نظامیه تعیری استعمال اولنش ایسه ده بوتعلیمات محاکم شرعیه و نظامیه نک وظائفی تقریقه خادم اوله میه جغه و وظیفه حقنده قرار اتخاذی محاکمه عائد بولندیغه منی بوماده وظیفه نک تعیینه مدار دکلدر. مع ذلك تعلیما تده مصرح اولدینی اوزره قیون آغیلی و بکچی کلبه سی کبی قیمتسز شیلرک ترلا ده موجود بولمسی قرار اداری اتخاذینه مانع تشکیل ایتز. ۱

ماده: ۶ ابراز اولنان سند خاقانینک محلنده تدقیق و تطبیقنه و منازع فیهک کشفنه مجلس اداره جه لزوم حقیقی کورلدیکی حالده ایکی ونه یات اوچ کشیدن مرکب بر هیئت تعیین و محل منازع فیهه اعزام اولنور. و هیئت اعضاسنه اختیار ایدمه جکلری مصارف ضروریه نسبتنده مجلس اداره جه تقدیر اولنه جق اجرت، کشفی طلب ایدن طرفدن اخذ و تسویه اولنور. منازع فیهک برطرفک طای اولقسزین رأساً مجلس اداره جه لزوم کورلمش ایسه مصارف ضروریه ده حکومت طرفدن تسویه ایدیلر.

۱ شرح: زیرا بومصارفک طرفیندن برندن آلمسی غیر ممکندر. چونکه کشفنه طالب دکلدر. طرفین آره سنده منازعه یی قطع ایتک دخی وظیفه حکومتدر وظائف حکومتی ایفا امرنده ایجاب ایدن مصارف حکومت جانبدن ویریلور. ۱

ماده: ۷ منازع فیہ اراضینک و قلیله طرف حکومتدن مهاجرینه اعطا اولندیغی تبین ایتدیکی حالده سند ابراز ایدن طرفه تسلیمی حقنده قرار اتخاذدن اول اراضی مذکوریه با سند خاقانی دیگرکی متصرف ایکن نه سبیله ونه وقت مهاجرین اسکان اولندیغی و شمیدی منازع فیهک صاحب سنده اعطاسیله مهاجرینه اراضی خالیه دن بشقه محل کوسترلمکی یوقسه اراضینک مهاجرین یدنده ابقاسیله صاحب قدیمه سندنده محرر اراضیسنه معادل قیمتده دیگر محل اراضیسی ویا حین اعطاده کی بدلاک اعطاسیمی ممکن و موافق اوله جتی با مضبطه داخلیه نظارتنه اشعار اولنهرق آله جق جوابه کوره معامله ایدیلر.

۱ شرح: صاحب قدیمه بوماده وجهله بشقه محل کوسترلمک یاخود تقدراً بدل ویرلمک صورتیه قطع منازعه ده صاحب قدیمک رضایی شرطدر. راضی اولدینی حالده بدلا ده قیمتدار اراضی اعطا اولنسه یاخود دکرندن فضله بدل ویرلسه بیله بومعامله قانونه جائز دکلدر. زیرا بومعامله، مبادلینی متضمن بر عقد اولوب عقدده ایسه قوانین موضوعه احکامنه رضاء طرفین شرطدر. بومسئله استملاک قانونک جاری اوله جتی مسائلدن دخی معدود اوله ماز. بو صورتده حکومت بوا یکی صورتدن برینی اختیار ایدمه رک اداره قرار ویرسه بیله صاحب قدیمی محکمه یه مراجعت ایدنجه قوانین موضوعه ایجابجه محکمه جه صاحب قدیمه اعاده سیله حکم ویریلور. و بو ماده قانون یا نظام ماهیتنده بولندیغندن محکمه بو ماده نک حکمی نظر اعتباره آله ماز. ۱

ماده: ۸ اموال غیر منقوله تصرفدن متحدث اختلافاتک مجالس اداره جه حلی حقنده کی قرارک سنه سی ایچنده ظهور ایدن اختلافاته حصر ایدلیدی مدت ظرفنده مراجعت وقوع بولوبده مجالس اداره جه

بالتدقیق اختلافك قدیم (شرح: بر سندهن مقدم تحدت ایتش) اولدینی آكلاشلیمسندن طولای رد اولان دعاوینك قرار مذكورك سا ۲۴ كانون ثانی سنه ۳۲۷ تاریخنده توسیعی حسبیلله مراجعت وقوعنده تکرار تدقیق ورؤینی جائزدر .

ماده ۹: حقوق تصرفیه دن متحدث اختلافادن طولای محاکم نظامیه مراجعت وقوعیه دعوی اوراجه دردست رؤیت ایکن منع تجاوز ومداخله طلیله حکومت ملکیه وقوع بوله حق مراجعت رد اولنور. یعنی محاکم نظامیه جه دردست رؤیت اولان بردعوی حقنده اداره قرار اتخاذ اولنه ماز (شرح: چونکه بوقرارایله محکمه نك قراری تعارض ایده بیلور . وبوحالده محکمه نك اعلامی لازم التنفیذ اولدیغندن قرار اداری فائده سز قالیر) شوقدرکه مجلس اداره جه مسئله نك رؤیتیه شروع ایدلکدن صکره طرفیندن برینك محکمه به مراجعتی تأخیر معامله یی وبعدالقرار تأخیر اجرا آتی موجب اوله میوب مسئله نك رؤیت وتمشیتیه دوام و قرار اداری هر حالده اجرا اولنور .

(شرح: فقط قرار اداریدن صرفنظر ایدلمسی حقنده محکمه دن بر قرار تبلیغ اولنور ایسه آرتق اداره تدقیقاته محل اولمدینی کبی قرار اداری اتخاذ اولنوبده هنوز اجرا وتنفیذ ایدلدن محکمه جه قرار اداری به مخالف بر قرار اتخاذ اولمدینی آكلاشیلور ایسه آرتق قرار اداری اجرا اولنه ماز)

ماده ۱۰: موجرایله مستأجر آره سنده تخلیه مأجوره متعلق ظهور ایدن اختلافه مداخله اولنه ماز (شرح: یعنی مدت اجاره نك ختامندن یاخود اجاره اقاله ایدلمش اولمسندن یاخود مستأجرک مأجوری تخریب ایتکده بولنمسندن طولای موجر اداره قرار اتخاذینی طلب ایتسه رد اولنه جینی کبی مستأجر ، مأجور کندیسنه تسلیمدن امتناع ایدلکی بیانیله حکومت ملکیه به مراجعت ایلسه محکمه به مراجعت ایتسی لازم کله جکی افهام اولنه رق مراجعت واقعه نك ردی لازم کلور)

آنحقی مستأجر ، تصرف ادعاسنده بولنیور ایسه مسئله حق تصرفه تعلق ایده جکی جهته صاحب مالک ادعایی مجلس اداره جه تدقیق وقراره توفیقاً حل مسئله اولنق اقتضا ایدر .

(شرح: بو صورتده موجر اجاره مقاوله نامه سی ابراز ایله مستأجر دخی مذکور مقاوله نامه ده کی امضاسنی اقرار ایدنجه واثاق ثبوتیه حاصل اولمش وبوقدرله اداره حل مسئله ممکن بولنش اولور . شوقدرکه موجر ، بالذات مال صاحب صفتنده بولنمیدر. عقار ، شخص آخر نامنده مقید اولوبده موجر مجردعاقد بولنسه بو مسئله اداره حل اولنه ماز)

ماده ۱۱: حل اختلاف یولنده مجالس اداره جه اتخاذ اولنه حق مقررات ، قابل استیناف و تمیز دکلدرد (شرح: چونکه بو مقررات ، ماهیت قطعیه یی حائز و صورت دائمه ده دیگر طرفك حقوق تصرفیه سنی سالب اولمیوب نزاعی موقتاً بر طرف ایتك ایچون تدبیر موقدن عبارتدر)

آنحقی مقررات متخذه قناعت ایتیان طرف یالکزر مافوق اداره مجلسنه (شرح: قرار اداری قضا مجلسنده ویرلمش ایسه لوا مجلسی اداره سنه لوا مجلس ادار سندن ویراش اولنجه ولایت مجلس اداره سنه) مراجعتله علیهنده کی قرارك تصحیحی طلب ایده بیلیر .

مجلس اداره ولایت مقرراتنه وقوع بوله حق اعتراضك مرجع تدقیق شورای دولتدر . شوقدرکه شورای دولته اعتراضا مراجعت حق مطلق اولمیوب آنحقی معترضك یدنده کی واثاق تصرفیه نك تدقیق ایدلمه سی ویا موجب اختلاف اولان غیر منقولك مسئله یی تدقیق و فصل ایدن مجلس اداره نك دائرة وظیفه سندن خارج بر محله بولنسی کبی بر طاقم اسبابه بناء شورای دولته تدقیق طلب اولنه بیلیر .

(شرح: مجلس اداره نك دائرة وظیفه سی نه صورتله تمید اولنه جینی بو تعلیماتده کوسترلیور. بونك تحدیدی اوچ صورتله متصوردر .

۱- مدعینك اقامتکاهی اعتباریله - یعنی مدعی هانکی قضانك دائرة سنده مقیم ایسه اورانك مجلس اداره سی منازعه یی فصل ایده بیلر دنیلیمکدر .

بوصورت ، قوانین عمومیه نك هیچ بریسنه موافق وعدل وحقانیتیه مطابق اولمدیغندن نظر اعتباره آله ماز .

۲- مدعی علیه ك اقامتکاهی اعتباریله - بوصورت ، ذیل اصولك برنجی ماده سنه مخالف اولمغله برابر مجلس اداره لدی الایجاب منازعه یی اولان عقارك منسوب اولدینی دفتر خاقانی قیوده مراجعت اولنه جغندن بوکا دخی رعایت اولنه ماز .

۳- منازعه یی مال غیر منقولك بولندینی اداره مجلسیدر .
بوصورت ، ذیل اصولك برنجی ماده سنه موافق اولمغله برابر قیود رسمیه به مراجعتله تسهیل رؤیت امکانی حاصل اوله جغندن بونك قبول ایدلمسی ایجاب ایدر .

بوحالده مدعی یامدعی علیه یاایکیسیده دیگر مجلس اداره نك دائرة نفوذنده بولنسه بیله منازعه یی اولان غیر منقول مالک بولندینی اداره مجلسی بو منازعه یی حل وفصل ایده بیلیر .

بوکا مقابل ، مجالس اداره مقرراتی طاپووویرکو دائرة لری قیودی کبی برطاقم دلائل مادیه ووثائق رسمیه به مستند ایسه شورای دولته مجلس مذکوره مقرراتنك تصدیقندن بشقه بر معامله یا بیله میه جغندن احوال مماثلده شورای دولته مراجعت ایدله مز . (شرح: بواحوالده شورای دولته مراجعت واقع اولسه مراجعت واقعه رد ایدلمه لیدر . بلکه قرار اداری واثاق رسمیه به مستند وموافق تعلیمات اولدینی بیانیله تصدیق ایدلمه لیدر .)

هر حالده مقررات متخذه قارشی کرک مافوق مجلس اداره سنه ، کرک شورای دولته مراجعت ، تأخیر اجرایی موجب اوله ماز .

[شرح : یعنی مافوق مجلسه یا خود شورای دولته مراجعت ایچون اسباب مقبوله موجود اولسه و قرار اداریدن متضرر اولان طرف مراجعت ایلسه بیه قرار اداری تنفیذ ایدلک لازم کلیر . مراجعت واقعه اوزرینه قرار ابتدائی اداری نقض اولنه رق آکا مخالف دیگر برقرار اداری اتخاذ اولنجه بو ایکنجی قرارک اداره تنفیذی و قرار ابتدائی اداری اوزرینه واقع اولان اجرانک اعاده سی لازم کلیر .]

ماده : ۱۲ اموال غیر منقوله تصرفدن متحدث اختلافات حقنده مجالس اداره جه اتخاذ اولنه حق مقررانک بلا تأخیر اجرایی لازم کلیر .

[شرح : شوقدرکه محاکم نظامیه مراجعت واقع اولوبده محاکم مذکوردهن قرار ادارینک تأخیر انفاذی حقنده برقرار اتخاذ اولنه رق اداره مأمورینه اشعار واقع اولنجه آرتق قرار اداری تنفیذ ایدیله من] مقررات مذکوره داخل شهرده پولیس و وظائفی ژاندارمه طرفندن ایفا اولنان محالدره ژاندارمه و خارج شهرده علی طلاق ژاندارمه طرفندن اجرا اولنور .

ماده : ۱۳ مقررات مذکوردهی حاوی مجالس اداره جه تنظیم اولنه حق مذکوردهی ال بیوک ملکیه مأمورلی پولیس یا خود ژاندارمه یه حواله ایدر . مأمورین اجراییه منازع فیه کائن اولدینی محله عزیمتله طرفین مواجهه سنده [شرح : طرفین حاضر ایسه . محکوم علیه کلامش ایسه یا لکنز محکوم له مواجهه سنده] مجلسک قرارینی قرائت و حکمنی اجرا ایدرلر . مخالفت و قوعنده حکم قرار قوه جبرییه ایله هر حالده اجرا اولنور .

[شرح : محل اجراده متضرر اولان طرفدن درمیان اولنه حق اعتراضات ایله ابراز ایدیله جک و ثائق نظر اعتباره آله ماز . زیرا اجرا مأموری بونلری تدقیقه وظیفه دار دکدر . بو قرار ادارینک صورت اجرایی اجرا قانوننک احکامنه تابع دکدر .]

ماده : ۱۴ یدنده تصرفی ناطق سند خاقانی [و شرح یا خود قید رسمی صورتی الحاصل مداراحتجاج بر وثیقه رسمیه سی] اولدینی حالده آخرک املاک و اراضیسی خود بخود ضبطه قیام ایدن کیمسه نک حرکتی قانون جزانک ۲۵۲ ماده سنک ذیلده و ایفای وظیفه حالده مأمورین ضابطه یه مخالفت ، درجه سنه کوره قانون مذکورک ۱۱۴ ، ۱۱۵ ، ۱۱۶ نجی ماده لرنده مندرج مجازاتی مستلزم اولدیغندن قرارک اجرایی صره سنده متجاسر در دست اولنه رق تنظیم اولنه حق ضبط ورقه سیله جهت عدلیه یه تودیع ایدیلیر . [شرح : بو معامله ضابطه عدلیه یه عائد وظائفدن بولمغله شایان مناقشه جهت یوقدر .]

ماده : ۱۵ حکومتجه یدی نزع اولنه رق مستحقنه تسلیم اولنان املاک و اراضی یه متجاوز تکرار مداخله و ضبطه قیام ایتدیکی حالده یکیدن اتخاذ قراره حاجت اولمقسزین ضابطه جه در حال منع اولنور . و متجاوزک بو حرکتی مستلزم مجازات اولدیغندن کنیدیسی در دست اولنه رق جهت عدلیه یه تسلیم ایدیلیر .

ماده : ۱۶ قرا بیننده مرعی و بالطله لقره دائر تحدرت ایدن اختلافات دخی مجالس اداره جه بالاده محرر اصوله توفیقاً حل اولنور .

[شرح : یعنی ایکی قریه اهالیسی آره سننده مرعی و بالطله لقره دائر اختلاف حادث اولوبده بر قریه اهالیسی طرفندن مداخله و تجاوز واقع اولنجه مجالس اداره جه قیود خاقانیه یا خود بر طرف اهالیسی یدنده بولنان فرمان هایون یا خود اعلامات شرعیه نظامیه کبی و ثائق رسمیه تدقیق اولنه رق مقتضایی دائره سننده قرار اداری یه ربط و قرار واقع در حال انفاذ اولنور . بو مثللو عموم اهالی یه عائد اموال غیر منقوله سند خاقانی ایله تصرف ایدیله یه جکندن یعنی سند خاقانی اعطا اولنه یه جکندن مجالس اداره بالطبع سند خاقانی یه قرارینی استناد ایتدیرمه یه جکی جهته بالاده محرر و ثائق تحریر سیله آکا استناد قرار ایتدیرلمی اقتضا ایدر . بو و ثائقدن بری موجود اولدینی تقدیرده کیفیت تواتر یا شهود شخصیه استماعیه حل اولنمی لازم کلوب بینه هانکی طرفه توجه ایده جکنی و بینات متخالفه دن هانکیسی مرجع اوله جغنی تعیین ایلک محاکمه عائد وظائفدن و مجالس اداره نک صلاحیتدن خارج مصالحدن بولمغله بو حالده مجالس اداره جه حل منازعه دن صرف نظر ایدلمی ضروریدر .]

[شورای دولت قراری : ۷ نیسان سنه ۱۳۲۸]

ثالثاً ، شخص آخر اراضی امیرییه و موقوفه دن انتفاع ایده من . یعنی زراعت یا آخره ایجار ایله انتفاع ایده یه جکی کبی حیواناتی اقامه یا خود صور سائر ایله دخی انتفاع ایده من .

رابعاً ، شخص آخر اراضی امیرییه و موقوفه ده خدای نابت اشجار و چالیلر کبی مباح اولیان شیلری احراز و تملک ایله من . بو اشجار پلامود ، جوز ، کستانه کورکن ، میشه کبی کرک مشره و کرک غیر مشره اولسون اراضی یه تابع اولوب منافعی اول اراضی متصرفنه عائد اولور . یوقسه بین الناس مشترک و مباح اولان شیلردن دکدر . زیرا مذکور آغاجلر ، اراضی متصرفنک اراضیسندن متولد و آنک جزئی و بناء علیه متصرف اراضی یه عائد اولور .

اشجار مذکور خدای نابت اولنجه منافعی منحصرأ متصرفنه عائد اولدینی کبی اراضی متصرفی اراضیسنده آغاجلری کنیدیسی دیکمش اولسه بونک منافعی دخی منحصر اراضی متصرفنه عائد و بشقه سی مردرلو انتفاعدن ممنوعدر . نته کیم خدای نابت اولنر کبی مباح اولانلری دخی احراز و تملک ایچون اراضی یه داخل اوله ماز .

خامساً ، حق مروری یوغیسه غیرک اراضی امیرییه و موقوفه سندن کچه من . دائمی صورتده یول اتخاذ ایده یه جکی کبی احیاناً کچمک صورتیه انتفاع دخی ایده من . حتی متصرفنک اذنیله بر مدت مرور ایتدکدن صکره صاحبی دیلر سه آنی مرور دن منع ایده بیایر . زیرا مجله نک ۱۲۲۶ ماده سی وجهله میسک ابا حه سنندن رجوعه صلاحیتی وارد و بر ضرر اذن و رضا ایله لازم اولماز .

اما حق مروروی وار ایسه کجه بیلیر. اراضی امیرییه وموقوفه متصرفی مانع اوله ماز. نته کیم مجله نك ۱۲۲۵ ماده سندن دیکر کمنه نك حق مروروی اولدینی حالدده عرصه صاحبی آنی مرور وعبور دن منع ایدمه من دیه مصر حدر.

فقط حق مرور اولوب اولدیغنده اختلاف اولنسه حق مروروی ادعا ایدن طرف حق مرورینی وثائق قانونیه یا شهود عادلایله اثبات ایتسی لازم کلور.

حق مرورک ثبوتی ایکی امرک برینک اثبات ایدلسیله اولور.

۱ — مدعینک اوراده حق مروروی بولندیغنی شهود شهادت ایتلیدر.

۲ — مدعینک اوراده قدیمدنبری کچمکده بولدیغنه شهود شهادت ایتلیدر.

اولکی صورتده نفس حق مرور ثابت اوله جنی کبی ایکنجی صورتده دخی حق مرورک قدیمی ثابت اولوب مجله نك ۱۲۲۴ ماده سی موجبجه حق مرورده وحق مجرد و حق مسیله قدمه اعتبار اولنور. یعنی بونلر قدیمدن اوله کلدیکی وجهه اوزره ترك وابقا اولنورلر. زیرا مجله نك ۶ ماده سی حکمنجه قدیم اولان شی، حالی اوزره ابقا اولنور. وخلافه دلیل اولدیقه تغیر اولماز.

اما حق مرورده یا خود قدمه شهادت اولمیو بدیه مجرد مدعینک اورادن کچمکده اولدیغنه شهادت اولنسه بو قدرله حق مرور ثابت اوله ماز. زیرا مدعینک اورادن کچمه سی اذن و اباحه ایله اوله بیله جکی کبی بغیر حق وتعدی وتجاوز صورتیله اولسی دخی محتملدر. معروض احتمال اولان شی، محل استدلال دکلدر. سادسا، خرمن یا په من. یعنی بر کیمسه نك باسند خاقانی متصرف اولدینی اراضی امیرییه وموقوفه ده دیکر کمنه بلا اذن خرمن یا په من. یا په حق اولسه منع وخرمنی رفع اولنور. زیرا مجله نك ۹۰۹ ماده سندن بیان اولدینی اوزره بر کمنه بر شی وضع ایله دیکرک اراضیسی اشغال ایلسه قویدیغنی شیئی رفع ایله اراضی تی تخلیه ایتک اوزره کندیسنه جبر اولنور.

بالاده مذکور اولان امور سته دن برینی یا بر قاجنی یا بدینی صورتده اراضی امیرییه وموقوفه صاحبه ترتب ایدن ضرری ضامن اولور. اگر موجب ضمان اوله حق ضرر حاصل اولمش ایسه.

بناء علیه مداخله وتجاوز صورتده مداخله وتجاوز دن مانع اوله جنی کبی اراضی امیرییه وموقوفه تی زراعت ایله انتفاع حالنده اون دردنجی ماده موجبجه اجر مثل طلب ایدمه بیلور.

خدایی نابت حاصلات، اتلاف واستهلاک اولندوقده بونلر اشجار نوعدن ایسه بو ماده نك فقرات مخصوصه سندن محرر اولدینی اوزره اشجارک قائماً قیمتلرینی ضامن اولور.

اما خدایی نابت اوتک استهلاکی موجب ضمان اولدینی مجله نك ۱۲۴۱ و ۱۲۵۷ ماده سندن مصر حدر.

(مابعدی وار)

محکمه تمیز رئیس اولی

علی میر

اون بشنجی مبحث

حمیلرله مندرادر

حق حمایه، عثمانلی حمیلر، اجنبی حمیلر، حمایه مذهبییه تحتنده بولنانلر

محرر حمایه. — هر دولتک ممالک اجنبیه ده مقیم تبعه سی اوزرنده حق حمایه سی موجود و بونک اجرایی ده اودولتک قونسولوسلرینه مودوعدر. صفت تابعیتک بخش ایتدیکی حمایه Protection خارجنده اولق اوزره بردولتک تحت حمایه سنده بولنان بعض اشخاص دهاواردرکه ایشته موضوع بحشمزی بونلر تشکیل ایدمه جکدر. ممالک عثمانیه ده مقیم اولوب ده تبعه سندن اولمادیغنی حالدده بردولت اجنبیه نك تحت حمایه سنده بولنان اشخاص باشلوجه اوچ قسمدر: عثمانلی حمیلر، اجنبی حمیلر، حمایه مذهبییه تحتنده بولنانلر.

برنجی قسم حمیلر. — بوقسمی تشکیل ایدن عثمانلی حمیلر اوچ صنفه ارجاع اولنه بیلور:

۱ — مواد مستعجله ده حکومت سنیه ایله اجانب بیننده حاصل اولان اتفاق و صورت استثنائییه ده باب عالی جانبندن کوسستریلن مساعدده نتیجه سی اوله رق بر دولت اجنبیه طرفندن «ویس قونسول» Vice-consul ویا «اژان قونسول» Agent consulaire انتخاب وتعیین ایدیلن تبعه عثمانیه وتعبیر اخرله قادرو خارجی یعنی مسلکدن یتشمش اولیان قونسولوسلر.

۲ — سفارت وقونسولاتولرده ترجمانلق وقواصلق ایدن عثمانلیلر. وتعبیر دیکرله تبعه عثمانیه دن تعیین ایدیلن مأمورین ممتاز.

۳ — مأمورین روحانیه نزدنده واجنبی مناسرتلرنده مستخدم متولی وترجمانلر.

ممالک محروسه شاهانه ده بولنان دول اجنبیه قونسولوسلقلری حقدده تنظیم قلنان ۲۳ صفر ۱۲۸۰ تاریخی نظامنامه نك التنجی بندنده «یرلودن هیچ بر کیمسنه بر اجنبی دولتک قونسولوس وکیلی و یا خود مأموری تعیین اولنه میه جقدر. معاملات تجارتدن نشأت ایتش بعض اسباب مجبریه مبنی بر محله قونسولوسلق باشقه سنه ویریه میوب مطلقا تبعه دولت علیه دن برینه توجیه اولمق لابد کورندیکی حالدده بویله بر حال استثنائییه تعلقی اوله حق دولتک در سعادتده مقیم سفیری واسطه سیله بوبابده باب عالی ایله مذاکره ایلسی جائز اوله جقدر. معافییه بویله بر استثنای مجرد طرفیندن مصدق لزوم حقیقییه مبنی موقتاً قبول اولنه جقدن، شو استثنائی مستلزم اولان حالات بر طرف اولدینی کبی قونسولوسلغه تعیین قانمش اولان یرلونک تبدیله مبادرت اولنه جق ومرقوم یرلونک ختام مأموریتنده خدمتنده بولنش اولدینی دولتک حمایتی ادعا ایدمه جکدر. «دنیلمشدر. ذاتاً فی یومنا هذا» بر اجنبی بر دولت قونسولوسلغنی حائر عثمانلیلر پک نادر در؛ و صوک زمانلرده بوتون سفارتلر تبعه عثمانیه دن قونسولوس استخدام ایتماکه اعتنا کوستر مکده درلر.

حکومت عثمانیه ايله يونان حکومتی بيننده منعقد ۱۹۰۱ تاريخی قونسولسلق مقاوله نامه سنک ايکنجی ماده سنده ايسه « تبعه يونانيه دن هيچ برکيسه يونانستانده دولت عليه باش شهنبدري و شهنبدري ويا شهنبدري وکيلي تعيين اولنه ميه جني کي تبعه دولت عليه دن دخي هيچ برکيسه ممالک شاهانه ده يونان جنرال قونسولوس ويا قونسولوس و قونسولوس وکيلي تعيين ايديله ميه جکدر ؛ اشبو قونسولوس مأمورلری طرفينجه مساکدن يتشمش اولانلر ميانندن انتخاب اولنه جق يعنی بونلر منحصرأ قونسولسلق مأمورينه عائد وظائفله مشغول موظف مأمورلر اوله جقدر . مع مافيه تبعه دولت عليه ايله شهنبدرلريله يونان قونسولوسلری طرفدن طرفين ممالکنده مرعي اولان نظامات موجبجه ترجمان وقواصلقه استخدام اولنه بيله جک واشبو مقاوله نامه ايله عکسی يولده بر معامله قرارلشديرلش اولدقجه اوراده موضوع معامله دن استفاده ايديله جکدر . » دنيلمشدري .

مذکور ۱۲۸۰ تاريخی نظامنامه نك برنجی بندده « قونسولسقلر آتیده تعيين اولنان مقدار يرلودن امتیازی مأمورلر استخدام ايديه بيلرلر . يعنی باش قونسولسقلر و ياخود مقر ایالتده بولنان قونسولسقلر دردر وباش قونسولسقلره تابع قونسولسقلر اوچر وقونسولوس وکالتلری وياخود قونسولسلق مأمورلری ايکيشر ترجمان ويساجقی استخدام ايديله جکدر . بالاده تعيين اولنان عدد کافی اولدینی حالده ذکر اولنان قونسولسقلر در سعادته بولنان سفارتلرينه مراجعت ايله رک آلر باب عالی يه بيان کيفيته برلکده قرار ويره جکدر . » دينيله رک تبعه عثمانیه دن اوله رق استخدام ايديله جک ايکنجی صنف مأمورين ممتازه نك مقداری تحديد ايدلمشدر . بعض يرلرده عين ذات مثلاً هم انکلتريه وهم ايتاليا ويا هم روسيه وهم فرانسه وياخود هم المانيا هم اوستريا ويس قونسولوسی اولور ؛ وبو تقدیرجه انکلتريه ويس قونسولوسی اولسندن دولایي ايکی و ايتاليا ويس قونسولوسی بولنسندن دولایي ده ينه ايکی که جمعاً درت نفر مأمورين ممتازه استخدامنه صالح اولمايوب انجق ايکی نفر يرلوي محمی Protégé اوله رق خدمتنده بولنديره بيلور . سالف الذکر نظامنامه نك طقوزنجی بندينک صوک فقره سنده « مأمورين روحانيه واجنبی مناسترلرينک قونسولوسخانه لرده مستخدم مأمورين مثلاً حمايت موقته امتیازاته نائل اولق اوزره بر متولی وبر ترجمان استخدام ايتلرينه مساعده اولنه جقدر . » دينيله رک اوچنجی صنف محمیلرک مقداری ده تحديد قلنمشدر . مصر حقوق مکتب خدیويسي حقوق دول معلمی و مختلطة دعوی وکيلي موسیو بيه آرمنزون Pierre Arminjon ممالک عثمانیه ده کی اجنبيلر ومحمیلر Etrangers et protégés dans l'Empire Ottoman ناميله يازمش اولدینی اثرده دييورکه : سالف الذکر ۱۲۸۰ نظامنامه سنک بشنجی ماده سنده [۱] برعادی محمیلردن و برده موقت محمیلردن بحت وموقت محمیلرده عادی محمیلرک حقوقی حائز اوله جقلری

[۱] مذکور ماده نك فقره اولاسی بوجه آتيدر .

« حمايت موقته تحتنده بولنان قونسولوسخانه خدمه سی عادی محمیلرک نائل اولدقلری حقوقدن مستفيد اوله جقلر وتکون

تصريح ايدلمشدر ؛ بوندن شو نتیجه چيقارکه موقت محمیلردن ماعدا صورت دائمده حمايه نائل واشبو مظهریت وارثلرينه ده منتقل محمیلرده موجود و بو خصوص ۱۸۶۳ (۱۲۸۰ هـ) ده بالعموم واليلره کوندريلان تحریرات ايله ده مؤيددر . ذاتاً عادی محمیلرک موجودیتی شهنبدن او درجه عاريدرکه اول وقت بونلرک و وارثلرينک اسامیسی دخي فهرست شکلنده تنظيم واحضار و حکومت عثمانیه نك منظر تصدیقه عرض وابللاغ ايدلمش ایدی .

موسیو ماندلستام دخي ۲۳ صفر سنه ۱۲۸۰ (م ۱۸۶۳) نظامنامه سنک بشنجی ماده سیله استدلال ايدرک موقت محمیلردن بشقه عادی و یادائی محمیلرده بولنديغی وبولنده ۱۲۸۰ تاريخدن مقدم علی طریق الوارثه اخلاقلرينه منتقل اولق اوزره بر عالميه ويريلان حق حمايه دن استفاده ایدن کيمسه لر اولديغی بيان ايلور .

لکن باب عالی سالف الذکر نظامنامه دن مستفاد اولان اوچ صنف محمیله خارجنده وتحديد ايدیلان مقداردن فضله تبعه عثمانیه دن اوله رق هيچ برحمینک وجودینی قبول وتسلم ايتک ايستمه مش وفی الواقع محرم سنه ۱۲۸۶ (م ۱۸۶۹) تاريخيله سفارات اجنبیه کوندرديکی برمخضره ده ديمشدرکه : قايس تولاسيونلر ايله اجنبیه بخش ايدلمش اولان امتیازات انلرک شخصلرينه منحصر بولمش و هيچ بر وقت عهود عتيقه کندي خدمتلرنده بولنان تبعه عثمانیه خارجنده برکيمسه یی حمايه صلاحيتی اجنبيلره بخش ايتامشدر ؛ بناءً عليه ۲۳ صفر سنه ۱۲۸۰ تاريخی نظامنامه ده کوستريلنلردن ماعدا حکومت سنیه بر عثمانلی محمی اصلاً طانیاز ومذکور نظامنامه ايجانجه بوحمایه ده تبعه عثمانیه دن تعيين ايدیلان ترجمان وقواصلر حقنده شخص وانلرک مأموربتلرينه راجع اولسنه مبی افراد عالمه لرندن هيچ برينه سرايت ايتمز ؛ ومأموريتلرينک ختاميله نهايت بولوب وارثلرينه قطعاً انتقال ايلز . ذاتاً سالف البحث نظامنامه نك بشنجی بندينک ايکنجی فقره سنده « قونسولسقلرک امتیازی مستخدملرينک حمايتی شخصلرينه منحصر و مأموريتلرينه مشروط اولوب بوحمایت خدمتدن انفعاللری وياخود وفاتلريله زائل اوله جق ومدت حیاتلرنده اقربا ومتعلقاتلرينه ووفاتلردن صکره ورثه سنه انتقال ايتيه جکدر . اشبو مستخدمين ممتازه عهود قديمه نك مساعد اولدینی کافه معافياتدن استفاده ايديه جک فقط املاک ويرکوسيله بالذات وياخود بدلاً خدمت عسکريه دن معاف اوله ميه جقلردر . » دنيلمسی ده باب عالينک شومطالعه سنی تأييد امرنده بر برهان قاطع اولقدن خالی قالماز . بنابرین مستخدمين

ايديه جک جنایت دعوالرنده مأمورين محليه بونلر حقنده دخي در سعادته جاری اولان اصول حمايتکاريدن سرمو انحراف ايتيه رک ديکرلری حقنده جاری اولان اصول محاکمه اجرا قلنه جق ، شو صورته که بونلر اشای محاکماده تابع اولدقلری حکومت طرفدن اختفا ایدن معاونه بلا مانع مظهر اوله جقلردر . »

نظامنامه نك اون اوچنجی بندنده ده شوبله دنيلمشدري .

« حمايه موقته تحتنده بولنان کسان برجنجه ويا جنایت ارتکاب ايدرک مأموريت محليه جانبندن طلب اولندقه درحال مأموريت اجنبیه طرفلردن حکومته تسليم اولنه جقلردر . »

ممتازہ ایچون قبول ایدیلن حمایہ شخصیدر و مذکور نظامنامہ نك اون ایکنجی بندی صراحتی وجهله « قونسولوسلرک یرلودن بولنان خدمتکارلری مستخدمین ممتازہ صنفه داخل اولدقلرندن قطعاً حمایه استحقاتلری اوله میه جقدر . مع مافیہ بونلر حقنده قونسولوسه ایفاسی اقتضا ایدن حرمت ورعایتہ موافق صورتده معامله اولنوب اخذ وتوقیفلری خدمتده بوندقلری قونسولوسلره یوليله و وقیله معلومات ویرلدکنصکره اجرا قلنه جقدر . »

اشبو موقت محمیلر ایله تبعه عثمانیه بیننده برجرم تحث ایتدکده محاکم جزائیة عثمانیه درجهان حاضر اولدینی حالده رؤیت ایلک لازم کلیر فقط فعالیتات وتطبیقاتده حمایه موقه تحتنده بولنان مستخدمین ممتازہ علیهنه جنحه ویا جنایت محکمه سنده دعوی اقامه ایدلسی اوزرینه منسوب اولدینی حکومات اجنبیه انلری دعوانک ختامنه قدر استغفایه مجبور ایدیور و ارتق آنلره قارشى جزا دعواسی صرف برعثمانلی صقیله جریان ایلور . اشبو قسم محمیلر ایله حامی حکومت تبعه سی آرهنده ویا دیگر اجنبی بر دولت تبعه سی بیننده برجرم تحث ایتدکده جریان ایده جک معامله نك ماهیتی و بو باده امثال موجود اولوب اولمادینی شایان نظر وتدقیقده .

موقت محمیلر ایله دیگر عثمانلی تبعه سی بیننده تگون ایدن اختلاف حقوق وتجارته متدائر ایسه محاکم مختلطه رؤیت ایدلمک لازمدر . اما حامی اولان دولت تبعه سیله ویا دیگر بر اجنبی دولت افرادیه بوقسم محمیلر اره سنده وقوعه کلن دعاوینک مرجع رؤیتی تقدیر اوله کوره حامی اولان دولت قونسولاتوسی وتقدیر ثانییه کوره اساساً مختلف فیہ اولغله برابر ، فعالیتات وتطبیقات اعتباریه مدعی علیک تابعیت وحامیت اعتباریه منسوب بولندینی قونسولاتو محکمه سیدر .

موسیو ماندلستامک رأینه نظراً عادى محمیلر حامی اولان حکومتک تبعه سی حقنده جاری معامله یه تابع اولمق قیدیه محاکم جزائیة عثمانیه یه تابع اولدقلری اولدقلرندن ، بر عثمانلی ایله اره لرنده تحث ایدن افعال جریمه دن دولایى ترجهان حاضر اولدینی حالده محاکم جزائیة عثمانیه ده محاکمه لری اجرا قلنمق ودعاوی حقویه وتجاریه دن طولایى محاکم مختلطه عثمانیه یه تابع طوتلق اقتضا ایلر .

ایکنجی قسم محمیلر . — منسوب بولندینی دولتک درسعادتده سفارتی اولماسنه رغماً دیگر بر حکومت اجنبیه نك حمایه سنده مظهر اولان اجنبیلرده برقسم مخصوص تشکیل ایدر . بو حمایه باشلوجه ایکی سببدن ایلرو کلیر :

۱ — حکومت عثمانیه ایله دیگر بر حکومت بیننده مناسبات سیاسیه نك انقطاعی اوزرینه او حکومتک ممالک عثمانیه ده بولنان تبعه سی اوچنجی بر حکومت تحت حمایه سنده آیلر . نته کیم ۳۲۷ سنه سی ایلولی ظرفنده ایتالیا نك کشاد ایتدیکی طرابلس غرب محاربه سی اثناسنده ممالک عثمانیه ده قالان ایتالیا تبعه سنی المانیا حکومتی

و ۳۲۸ سنه سی ایلولی نهایتلرنده بالقان دول متفقهنک اعلان ایلدیکی محاربه ده ممالک عثمانیه ده اقامت ایلین تبعه یونانیه یی روسیه وفرانسه حکومتلری حمایه ایشلردر .

۲ — ممالک عثمانیه ده اوتهدنبرو سفارت تأسیس ایتامش اولان بردوست دولت تبعه سنی دیگر بردولت حمایه ایلر . ایشته اسویچره نك هیچ برقاییتولاسیونی اولمادینی حالده ممالک عثمانیه ده مقیم اسویچره لیلرک عهدود عتیقه احکامندن استفاده ایلسی محضاً فرانسه حکومتک حمایه سندن مستفید اولدقلرندن انبعاث ایلر .

۱۱۵۳ (م ۱۷۴۰) فرانسه قایتولاسیوننک ۳۲ نجی ماده سنده « قدس شریفه واران و آنلره تابع اولان هر نه جنسدن اولور ایسه وارمه ده و کله ده کیمسنه دخل ایلیه » و ۳۸ نجی ماده سنده ده « آستانه سعادتده ایلچیلری وقونسولوسلری و کتخدالری اولمیان ، پورتقال وچیلیه وقاتلان ومسینه و آققونه وسائر حربی طائفه سندن فرانجه پادشاهنک بایراغی التده قدیمدن کدکلی اوزره اختیارلری ایله کلن کندی حاللرنده اولوب صلح وصلاحه مناسب وضع وحرکت صادر اولمادیقده سائر فرانسلرک کمرکلرین ویروب کیمسنه دخل ایلیه » دنیلمسندن بالاستدلال ممالک عثمانیه ده متمکن اسویچره لیلری حمایه حق ضمناً فرانسه یه بخش ایدلمش اولدینی ادعا ایدلمش و فقط اون التنجی عصر میلادیده ایسه جنوه لیلر ، طوسقانایلیر دراغوزه لیلر اوزرنده فرانسه حکومتی برحق حمایه استعمال ایتدیکی حالده صوک و قتلرده ، اولکیلر ایتالیا وصو ککجی اوستریا حدود ملکیه سنده داخل اولمسنه منی ، بالطبع شو حق استعماله قدرتیاب اوله مامشدر . دیگر طرفدن اسویچره مجلس اتحادی Conseil fédéral ایستدکلری قونسولاتونک حمایه سنی انتخاب امرنده اسویچره لیلر صلاحیت بخش واثان دیپلوماتیک واثان قونسولاتولره کوندرمش اولدینی ۸ حزیران ۱۸۷۱ تاریخلی تحریراتده اسویچره قونسولاتوسی بولنمان یرلرده آلمانیا و آمریکا قونسولوسلری دخی اسویچره لیلری حمایه ایتلری حقده اتفاق حصوله کدیکنی تبلیغ ایلش و بوکا قارشوده فرانسه هیچ بروقت شکایت ایتامشدر . ایشته فعالیتات وتطبیقاتده ممالک عثمانیه ده بولنان بعض اسویچره لیلرک فرانسه و بعضیلرینک ده آلمانیا قونسولاتوسنک حمایه سنی قبول ایتش اولملری مجلس اتحادک فرانسه حکومتک موافقت ضمنیه سنده مقارن اوله رق کوسترمش اولدینی مساعدن انبعاث ایلکده در . کرچه بعض فرانسز مؤلفلری ممالک عثمانیه ده مقیم اسویچره لیلری حمایه منحصرأ فرانسه حکومتنه عائد اولدینی ادعا ایلکده لر ایسه ده سالف الذکر ۳۸ نجی ماده فرانسز بایراغی حمایه سنده التجانی اختیار ایله تقید ایتش اولمسنه کوره عدم اختیار صورتنده جبراً تحمیل حمایه اولنه میه جغه و برده قایتولاسیونی اولان دولتلر بیننده اک زیاده نائل مساعده ملت معامله سنده مظهریت اساسی جاری بولمسنه منی دیگر برقسم مؤلفلرده بورائی جرح وتعلیل واسویچره لیلری طلبریله دیگر بردولت دخی حمایه ایده بیله جکنی تبین ایتکده درلر .

عجبا ۱۱۵۳ قایتولاسیوننک ذکرى سابق ۳۲ و ۳۸ نجی ماده لری شرق واقصای شرقده فرانسه حمایه سی تحتنده بولنان مملکتلر اهاالیسی حقنده قابل تطبیقده ؟ بعض مؤلفلر دیورکه ؟ کرچه حقوق

خصوصیه دول احکامجه بر دولتک دیگر بردوات اوزرنده اکتساب ایلدیکي حمایه - Protectorat محمی دولت تبعه سنکده فرانسه تبعه سی کی بالجمله معاهداتدن استفاده سی موجب اولمزه ده مذکور ماده لر اشبو محمیلری ده فرانسزله تمثیل ایتش و ۱۰۸۶ (م ۱۶۷۵) انکلیز قاپیتولاسیوننک برنجی و طقوزنجی ماده لرند ده « انکلتزه طائفه سی و تجاری و انکلتزه بایراغی ایله پوریه ن تجار طائفه سی » و « انکلتزولو واکا تابع اولان یرلرک بازرکانلری و آدملری و ترجمانلری و سمسارلری . . . » تعیرات استعمال ایدلمش اولسنه نظراً فرانسه و انکلتزه کی دولتلرک حمایه سی تحتنه داخل محللر اهاالیسی ده حامی دولت تبعه سنه مختص امتیازاتدن استفاده ایلرلر .

لکن تعمیق نظر اولنور و عهود عتیقه نك بخش واحسان ایلدیکي زمانده جاری احوال تدقیق و مطالعه قلنور ایسه بوادعانک بطلانی تظاهر ایلر . فی الواقع او زمانلر اوروپا دول معظمه سی شرقه دوغری توسع ایتامش ، شمیدیکي کی برچوق مستملکات پیدا و برطاقم حکومتلری جبراً و قهرراً زیر حمایه لرینه ادخال ایتامش ایدی ؛ باب دولتدن استرحام واستدعاری اوروپا قطعه سنده کی تجارک شرق اسکله لرله دائرة سلامتده اوله رق داد دستده بولنه بیلملری تأمین معطوف ایدی ؛ دیگر طرفدن حکومت عثمانیه هرکسه منسوب اولدینی دولت بایراغی تحتده اسکله ولیانلری مزه آمدوشد صلاحیتی دکل اک اول فرانسه بایراغی حامله کله بیلملری مساعدده سی بخش ایش ایدی ؛ صوکرده انکلیزلره کندی بایراقلریله عثمانی اسکله لرند سیر و سفره مساعدده ایتش و انکلتزه قریب بعض مملکتلر تجارانی ده انکلیز بایراغیله کلوب کیتمه باشلامش ایدی . ایشته عهدده کی آنلره تابع اولان اکا تابع اولان کی عبارات ایله تابعیت اصلیه سی نظر اعتبازه التحقننن فرانسه ویا انکلتزه بایراغی آلتند عثمانی اسکله لرینه سیر و سفر اجرا ایدن اوروپا تجار و اهاالیسی قصد ایدلمش ایدی . بنابرین بو ماده لر اوروپالی محمیلرله شامل و اوروپا خارجنده فرانسه و انکلتزه حمایه سنه داخل مسلم و غیر مسلم اهالی یه قطعاً غیر ساریدر . شو حالده آسیا و آفریقا قطعه لرند فرانسه و انکلتزه روسیه کی دولتلرک تحت حمایه لرند بولنان ممالکه منسوب اولوبده ممالک عثمانیه ده تمکن ایلان کیمسه لر حقنده فرانسه و انکلتزه و روسیه قونسولاتولرینک اجرا ایده جکری حمایه نك درجه سی حقنده بعض تفصیلات اعطاسی ضروریدر .

آنانم . آسیاده واقع بو حکومت Protectorat سی تحتنددر و بنابرین ممالک عثمانیه یه کن بر آنا ملی فرانسه قونسولسلری حمایه ایدرلر ؛ شو قدرکه بو آنا ملی شخصاً فرانسه حمیسی دکل ، بالواسطه محمی اولدیغندن تعیین دیکرله کندیسنه فرانسه حمایه سنک اخافه سی متبوعی اولان دولت فرانسه حمیسی اولسندن انبعاث ایلدیکندن ، بر آنا ملینک فرانسه تبعه سی امتیازاتندن مستفید اولسی لازم کلز و شو حمایه انحق حقوق دولک تجویز ایتدیکي دائرة تجلی ایتک ایجاب ایلر . ذاتاً قاعده درکه بر دولت دیگر بر دولت تبعه سی حمایه ایتدکده اگر محمی اولان تبعه نك آروجه حقوق عهدیه سی موجود ایسه

آندن استفاده ایدر ؛ یوق ایسه حامی اولان دولت تبعه سنه مختصی حقوق عهدیه دن حصه مند اوله میه رق یالکز حمایه واقع حقوق دول قواعدی دائره سنده جریان ایلر .

جزایر . اهاالیسی فرانسه حکومتی کندی تبعه سی عد واکثر دولتلرده بونی تاقی بالقبول ایلکده درلر . فقط حکومت عثمانیه جزایرک فرانسه اجزای ممالکندن اولدیغی رسماً قبول و تصدیق ایتامش اولدیغندن ممالک عثمانیه کلان بر جزایرینک ضابطه اداره ویا عدلیه یه تعاق ایده جک بر معامله سی سبق ایتدکده کیفیت داعی مشکلات اولمقدن خالی دکلدر . ایمدی جزایردن کلان بر کیمسه ممالک عثمانیه یه فرانسه تبعه سی صفتیله داخل اولمش و یا خود بو صفت موضوع بحث اولمامقه برابر صورت دائمه ده اختیار اقامت ایتامش ایسه آنک حقنده اصل فرانسزلرکی معامله ایتک طبیعیدر ؛ لکن جزایرلی دیه کلش و اوصقله صورت دائمه ده اختیار اقامت ایش ایسه انی عثمانی تبعه سی کی عد ایتک ضروریدر .

تونس . حکومت عثمانیه ۱۲۹۸ سنه سنده فرانسه نك تونس بکنه جبراً امضا ایتدیردیکي باررو مقاوله نامه سی طامیادیغندن ، فرانسز صفتیله دکل ده تونسلی اوله رق ممالک عثمانیه یه کلان اورا اهاالیسی حقنده تبعه معامله سی تطبیق ایدیولور .

عصب و مصوع . ممالک عثمانیه اجزاسندن ایکن ایتالیا حکومتی طرفندن استیلا ایدیلان بوایکی مرس وجواری اوزرنده کی حاکمیت عثمانیه حقوق نقطه نظرندن باقی عد ایدلمک ایجاب ایلدیکندن ، اورالردن کلان یرلی اهالی تبعه مثلاًو معامله کورر .

طرابلس غرب . کچن سنه ایتالیا حکومتیله عقد ایدیلان لوزان معاهده سی ایجابجه حکومت عثمانیه انحق طرابلس غرب خطه سنه واسع بر صلاحیت بخش ایتش و فقط صراحةً و رسماً ایتالیانک او قطعه اوزرنده حق حاکمیتی قبول و تصدیق ایتامش اولمغه ، اورادن کلان بالجمله اهالی دوغریدن دوغری یه عثمانی تبعه سی عد ایدلمک ضروریدر .

مسقط ، سقوطره و زنکپار ، بواوچ حکومت کرچه انکلتزه دولتینک تحت حمایه سنده ایسه ده مجرد حمایه محمی اولان دولت تبعه سنه حامی اولان دولت تبعه سنک حائر اولدینی حقوق و صلاحیتک تشمیلنی ایجاب ایتیه جکنه و بورالردن ممالک عثمانیه یه کلان بر کیمسه یا مسقط امامتک ویا سقوطره امیرینک و یا خود زنکپار سلطاننک تبعه سی اولوب بولنرک ایسه امتیازات عهدیه سی بولنماسنه منی انکلتزه قونسولسلرینک بولنر اوزرنده کی حمایه سی انحق حقوق دولک تعیین ایتدیکي دائرة داخله مقصور قالیر .

هندستان قطعه سنده کرچه یرلی بعض پرنسسلکه موجود ایسه ده بولنرده بر دولتک اوصاف سیاسییه سی بولق براز مشکل اولدیغنک ، ممالک عثمانیه یه کلان هندستان اهاالیسی حقنده بلا تفریق انکلیز معامله سی ایضا ایدیولور .

قبریس مقاوله نامه سی جزیره اوزرنده کی حق حاکمیتک دکل ، انحق بعض شرائط تحتند اظه اداره سنک

انکلتريه ترکی متضمن اولسنه کوره ممالک عثمانیه کلن قبریسلیلر حقنده تبعه معامله سی اجرا ایدیه جکی شبه سزدر .

بخارا و خیوه . بویکی امارت روسیه نک تحت حمایه سنده در؛ مناسبات خارجی لری روسیه اداره ایتسی جهتیه بورایه کلان بخارا و خیو دلیلر روسیه قونسولوسلری حمایه ایدر؛ فقط بو حمایه امتیاز سز بر دولت تبعه سی حمایه صورتنده وقوعه کلک و اوصورتله قبول ایدمک ایجاب ایلر . واقعاده حمایه استقلاله منافی اولمقدن بشقه روسیه ایله بو امارتلر بیننده منعقد معاهداتک درجه تأثیری شخص ثالث اولان حکومت عثمانیه جه رسماً معلوم دکدر .

بوسنه و هر سگ اهالی اسلامیه سی . بوسنه و هر سگ مسئله سندن طولانی حکومت عثمانیه ایله آوستریا و مجارستان بیننده ظهور ایدن اختلافک صورت حله دأر ۱۳ شباط سنه ۱۹۰۹ تاریخنده در سعادتده تنظیم اولان پروتوقولک اوچنجی ماده سنک بر فقره سنده « عن اصل بوسنه و هر سگ اهالی سندن اولوب هجرت ایتامک فکريله بعدما ممالک عثمانیه عزیمت ایدمک اولان کسان حقنده ممالک عثمانیه ده آوستریا و مجارستان تبعه سی مثللو معامله اولنه جق » و دیگر بر فقره سنده « بوسنه و هر سگ اهالی سندن اولوب ایالتین مذکور تینده ساکن بولنان کسان کافی السابق بوسنه و هر سگ قوانینه توفیق حرکت ایدرک ممالک عثمانیه هجرتده سربست اوله جقلر و ممالک عثمانیه کلدکرنده تبعه عثمانیه صفتیه قبول ایدیه جکلر در » دنیلمشدر .

اوجوبی قسم محمدی . — ممالک عثمانیه ده اجنبی بر دواتک حمایه سنه مظهر اولمش بر طاقم رهبانی جمعیتلری و بونلره عائد کلیسالر ، مکتبلر ، خسته خانه لر و مؤسسات سائر موجوددر . از جمله آوستریا حکومتی بک اوغلنده واقع سانتاماریا - Sainte Marie کلیسای راهبرینی و سن ژورژ St. Georges سوردوشاریه لری ، ایتالیا حکومتی ایسه بک اوغلنده کی سنت آنطونیو St. Antoine و غلطه ده کائن سن پیئر St. Pierre کلیسالی رهابینی و دومینیکش سور دوشاریه Soeurs de hcarité لری ، فرانسه حکومتی ده پانگالتیده سنت اسپیری St. Esprit و غلطه ده سن بنو St. Benoit و بک اوغلنده فرانسه سفارتی اتصالنده کی سن لویی St. Louis کلیسای راهبرینی و قدس شریفده کی لاتین جمعیتی تحت حمایه ده بولندیر مقده و بناء علیه بونلر شخصیت مغویه لری نک حکومت عثمانیه ایله اولان مناسباتی آوستریا و ایتالیا و فرانسه حکومتلری نک در سعادت سفارتلری ویا قونسولاتلری واسطه سیله وقوعه کلمکده در .

من القدی ممالک عثمانیه ده بولنان قتولیک رهبان جمعیتلری نک حمایه سی حق فرانسه ایچون طائش ، عهود عتیقه یه بوکا متعلق بعض مواد درج اولمش ، پارس و لوندرد معاهده لری کبی بر طاقم مقاولات دولیده فرانسه نک بو حقنی ضمناً تصدیق ایلش ایدی ؛ نته کیم ۱۱۵۳ فرانسز قاپیتولاسیوننده « قدس شریفک داخلنده و خارجنده وقامه نام کنیساده قدیمندن اوله کلدیکی اوزره تمکن ایلیان قرنک راهبرینک

حالا ساکن اولوب اللرنده اولان زبارنکاهلرینه کماکان فرنک راهبرینک اللرنده اولوب کمسنه دخل ایلیه و نکاهیت طلیله رنجیده ایلهلر و دعوالری ظهور ایلدکده محلنده فصل اولمازسه آستانه سعادتده حواله اولنه « دنیلن و بوکا مماثل ده بر طاقم فقرات عهدیه قاپیتولاسیونلرده مسطور و مندرج بولنشدر . حالبوکه قتولیک رهبان جمعیتلری ایچنده فرانسه تبعه سندن راهب موجود اولدینی کبی دیگر دولتلر تبعه سندن ده راهب بولنور و مع ذلک فرانسه تبعه سندن اولیان راهبرک حمایه سی ده ینه فرانسه حکومتده عائد کوریلر ایدی . فقط صوک زم نلرده دیگر دولتلر تبعه سندن اولان رهبان اوزرنده فرانسه حکومتک حصراً ادعا ایتدیکی حق حمایه آلمانیا و ایتالیا کبی بعض دولتلر طرفندن دوچار اعتراض اولق و از جمله قدس شریفده ۴ تشرین ثانی سنه ۱۹۰۱ تاریخنده اورتودوکس راهبر طرفندن اجرای وظیفه صره سنده تعرضه معروض قالان قتولیک راهبره تسطیر و تسیر قلنان جلب مذکره لرینک تبلیغی خصوصه حامی صفتیه فرانسه قونسولاتوسی توسط ایتک ایتدیکی حالده بونلرک متبوعلری اولان آلمانیا و ایتالیا حکومتلری طرفندن ایسه مداخله و تبلیغاتک کندی قونسولاتلری واسطه سیله اجرایی لزومنده اصرار ایدمش و نهایت خاقان مخلوع اصرار ایتدیکی براراده ایله المانیا و ایتالیا قونسولری نک کندی تبعه لرندن اولان راهبر اوزرنده کی حمایلرینی تصدیق و قبول واحوال مماثلده هم حامی صفتیه فرانسه و هم ده دولت متبوعه قونسولاتلری ترجمانلری نک ، بری شخص مغویینک و دیگری شخص متشخصک حامی و متبوعی اولق اعتباریه ، اثنای محاکمه ده حاضر بولنملری طریق نوینی کشاد ایلشدر .

رهبان جمعیتلری صرف تبعه عثمانیه دن متشکل ایسه دول اجنبیه نک بونلر اوزرنده هیچ برکونا حق حمایه سی موضوع بحث اوله ماز ؛ بنابرین بونلرک کرک مواد حقوقیه و تجاریه و کرک مواد جزائییه متدائر دعوالری ، ولو که دوغریدن دوغریه شخص مغوییه تعلق ایتسون ، محاکم عثمانیه عائد و منحصرأ تبعه عثمانیه حقنده تطبیق ایدیلان اصول محاکمه یه تابعدر .

اما تبعه عثمانیه دن بر راهب هر هانکی هیأت رهبانیه اجنبیه داخل اولمش اولورسه بوکیمسه یه متعلق حقوق و تجارت و جزا دعوالرینک مرجع رؤیتی و اصول محاکمه سی تعیین امرنده تفریق ماده ایدملیدر : اگر تخذت ایدن دعوی شخصه منحصر ایسه حل و فصلی محاکم غیر مختلطه عثمانیه راجعدر ؛ و اگر منسوب اولدینی هیأت و جمعیه متعلق ایسه ، کندی سنک وضعیتی انحق اوشخصیت مغویه یی تمثیله معطوف و حالبوکه جمعیت مذکوره حمایه اجنبیه یی حائز اولق جهتیه ، دعوی حقوق و تجارتده متدائر اولدینی صورتده ترجمان حضوریه محاکم مختلطه ده و جزایه متعلق بولندینی تقدیرده ینه ترجمان حاضر اولق شرطیه محاکم جزائی عثمانیه ده فصل ورؤیت اولنور . کرچه موسیوماندلستام اساساً تبعه عثمانیه دن اولوب ده حمایه اجنبیه ده بولنان رهبان جمعیه ده داخل اولان پاپاس ، ایقاع ایتدیکی جرم کرک وظیفه سنه متعلق و کرک اندن خارج اولسون ، هر حالده حامی حکومتک حمایه سندن مستفید اوله جغنی بیان ایدیور سه ده بورأیده بر اصابت

حقوقیه کوریه من؛ زیرا حایه مذهبیّه بختده قایتولاسیونلر هپ ممالک عثمانیهده بولسان اجنبی رهبان و مؤسسهرلری استهدان وقونسولسلر نظامنامه سی ده هیأت رهبانیّه اجنبیه تزدنده مستخدم برر متولی و برر ترجمانک حایه اجنبیهدن استفاده ایدیهیلر جکئی تمیداً تعیین ایلش و بو جلهبی اورایه منسوب اولان سائر عثمانیلره تشمیل ایتامشدر. حتی پلیسی به دو روزاس اثر مشهورنده دیورکه: « کرک لاتین جمعیتلرینه و کرک دیگر بر اجنبی جمعیت مذهبیّه منسوب افراد طرفندن بر جرم و نوعنده نظر اولنور: اکر جرم متحدث وظیفه دنییه و مذهبیّه لرینه متعلق ایسه حامی اولان دولتک حایه سنه مظهر اولورلر و اکر وظیفه لرنده خارج ایسه تبعه عثمانیه دنده اولدقلرینه کوره عثمانی صفتیه معامله کوررلر و اجنبی اولدقلرینه کورهده اصل متبوعلری اولان دولتک تبعه سی حقنده جاری معامله مابهالتطبیق اولور. »

ممالک عثمانیهده بولنوبده صرف تبعه اجنبیهدن تشکل ایلان مؤسسات دینیّه Communauté اعضاسیله تبعه عثمانیه بیننده متکون حقوق و تجارت دعوالرینک رؤیتی محاکم مختلطه عثمانیه عائددر. بونلر ایله تبعه عثمانیه آردسنده متحدث دعاوی جزایه ایچونده باقیلور: اکر جرم واقع اجرای مأموریتلرندن خارج ایسه، موسیو پلیسی به دو روزاسک پک صواب اولان رأینه نظراً، حکومت حایه نک حایه سنندن مستفید اوله مازلر و انجق متبوعلری اولان دولتک حایه سنه نائل اولورلر: و فقط تبعه عثمانیه ایله بونلر آردسنده کی جرم کنندی وظیفه و مأموریتلرینک اجراسنه مربوط و متفرع ایسه بوتقدیرجه حامی اولان حکومتک حایه سنه مظهر اولورلر.

حایه نک استحصال و ضایعی. — قونسولسلر نظامنامه سنک کوستردیکی مساعده دأره سننده بر عثمانی حایه اجنبیه یی اکتساب ایدیهیلور؛ شوقدرکه مذکور نظامنامه نک اوچنچی، دردنجی ماده لرینه نظراً بر عثمانی محمی موقت اوله ییلمک ایچون کیفیت حکومت عثمانیه به رسماً اشعار و مساعده استحصال ایدلمش اولمیدر.

حایه محمی ایله حکومت حایه نک ممللری بیننده متحدث و فقط طرفین ایچون غیر لازم بر اتفاق نتیجه سی اولمق جهتیه، بالخاصه ترجمان وقواص کی موقت محمیلر حقنده حامی اولان حکومت ایستدیکي وقت حایه یی استرداد و محمی ده دیلیدیکی زمان اوزرنده کی حایه یی ترک ایدیهیلور. فعلیات و تطبیقاتده حامی اولان حکومتک دائمی بر محمی اوزرنده کی حق حایه سنی رفع و دیگر طرفدن محمی دائمینک ده حایه دائمه دن فراغت ایتدیکی واقع وفهرو زیرو Feraud-Giraud نام مؤلف دخی بواساس مروجدر.

حایه نک تأثیراتی. — بر عثمانی حایه اجنبیه یی اکتساب ایتدیکی تاریخدن اعتباراً، قونسولسلر نظامنامه سننده کی تقییدات دأره سننده، حامی اولان دولت تبعه سنه راجع معاهدات و مقاولات احکامندن استفاده ایدر. لکن حایه نک ماقبلنه شمولی اوله میه جغندن، استحصال حایه دن اقدم محاکمه عثمانیهده او محمی علمیه اقامه ایدلمش بر دعوی علی حاله دوام و بوزاده ابقاء ما کان علی ما کان قاعده سی جریان ایدر.

اما بر عثمانینک حایه موقتّه اجنبیه تحتنه داخل اولمازدن اول عقد ایلدیکی بر معامله دن دولانی حایه اجنبیهده بولندیکی بر صروده علمیه اقامه قلنه جق دعوانک مرجع حل و فصلی موجب مشکلات اولمقدن خالی دکلدرد؛ مع ذلك پییر آرمنزونک فکرینه کوره بو قبیل بر دعوانک مرجع حل و جسمی، قوانین عثمانیه تطبیق ایدلمک شرطیه، استحصال حایه دن صوکره محمینک تابع اولدیگی محکمه در؛ شوحالده بویه بر دعوی طرف دیگر عثمانی ایسه محاکم مختلطه عثمانیهده و مظهر حایه سی اولدیگی دولت تبعه سنندن ایسه دولت حایه نک قونسولاتو محکمه سننده و دیگر بر اجنبی ایسه مدعی علیه قونسولاتو محکمه سننده فصل ورؤیت ایدلمک و فقط شقین اخیرینده دخی قوانین عثمانیه تطبیق اولنمق ایجاب ایلر.

بر عثمانی حایه موقتّه اجنبیه داخل اولمازدن اول بر جرم ایقاع ایدوبده حایه اجنبیهده دخول تاریخندن صوکره تعقیباته شروع ایدلمش اولورسه، ینه پییر آرمنزونک رأینه کوره، وظیفه دار اولان محکمه، قوانین جزائیّه عثمانیه ایله حکومت حایه قوانین جزائیّه سننده خفیف جزای شامل اولانی مابهالتطبیق اولمق شرطیه، بعدالحایه او کیمسه نک ایقاع جرم ایلشی تقدیرنده وظیفه دار اولان محکمه در؛ بناءً علیه دیگر طرف عثمانی و یا باشقه بر دولت تبعه سی ایسه ترجمان حاضر اولدیگی حالده محاکم عثمانیهده و طرف دیگر حکومت حایه تبعه سنندن ایسه او دولتک قونسولاتو محکمه سننده رؤیت و تدقیق ماده ایدلمک و شوقدرکه عثمانی جزا قانوننامه سیله دولت حایه قانون جزاسندن هانکیسی جزای خفی شامل ایسه او تطبیق فلنمق اقتضا ایدر.

تجارت بحریه محکمه سی اعضاسندن
ضلیل جمال الدین وهرانر آصادور

ختم



محکمہ تمیز استدعا دہرہ سی مقرراتی — (۱) جبراً فعل شنیع ۲۳ حزیران ۳۲۹ ۵۰۳۶
 » » (۲) بلا رخصت پیاھو کبیدہ سی ۲۴ » » ۵۰۳۷
 » » (۳) احکام قانونیہ بہ عدم رعایت ۲۵ » » ۵۰۳۹
 ۵۰۴۰ غنائم بحریہ دیوانہ استنباتی اعمومی

شورای دولت مضبوطی — (۱) رؤی مأمور لرینہ ایفای وظیفہ ائناسندہ ۱۴ تموز ۳۲۹ ۵۰۴۴
 حقاتر ایدنلر
 (۲) رشوت اخذی حقندہ » » ۵۰۴۵
 (۳) مجلس ادارہ نك اداره قسمبلہ محکمہ عدلیہ ۱۴ » » ۵۰۴۶
 میائندہ متحدث اختلافك حل
 انجمن عدلیہ مقرراتی — (۱) تخلیہ مأجور حقندہ ۲۸ نیسان ۳۲۹ ۵۰۴۸

محکمہ تمیز حقوق دہرہ سنجہ ترقیاتی نتیجہ بزیر اولادہ دعاری اعموامانك لیستہ سی ۵۰۴۸

قسم غیر رسمی

مقالات

اموال غیر منقولہ نك تصرفہ عامہ مواد قانونیہ { محکمہ تمیز رئیس اولی علی حیدر افندی حضرتلر نك ۵۰۵۱
 دائر نشریات
 ملکیت ادبیہ و فنیہ دائر پارس علوم سیاسیہ مکتبدن مأذون سعید حکمت بک ۶۰۶۵

(۱)	۲۲۶	۲۲۰
(۲)	۸۱	۵۲۰
(۳)	۶	۷۲۰
(۳)	۳۲	۷۲۰
(۱)	۲۲۶	۸۲۰
(۲)	۷۲	۸۲۰
(۳)	۸۶	۱۶۰
(۱)	۲۲۶	۲۲۰
(۲)	۲۲۶	۲۲۰
(۳)	۲۲۶	۲۲۰
(۱)	۲۲۶	۲۲۰
(۲)	۲۲۶	۲۲۰
(۳)	۲۲۶	۲۲۰